

漸西邨人初集
附錄

一





漸西邨人初集
附錄

一

袁昶 著



中華書局

漸西邨人初集

此據漸西村舍叢
刊本排印初編各
叢書僅有此本

敘

句不入律。故多支離其詞。意不求工。無傷連犴之製。腐木溼鼓。鼠肝蟲臂。既乏精思。第強操筆。姑溪集。陸端叔未必發坡公之禪。落木庵空。徐波或許挂蒙叟之詠。故知不煩繩削。惟數夔州後詩。風致超然。雅重渭南一老。涪幡有真解。晦翁非妄歎。走既未窺丹訣。要亦虛費墨工。雖多奚尙。自卜頗審。閒繹漆園吏之寓言。次及抱朴子之自敘。蓋謂洗洋適志。惟取窮年。身非汝有。第爲委蛻。縱出卮言。祇同朽贅。況乃大塊稟我以尋常之短羽。造物假我以至驚之蹇足。那復慕沖天之舉。追飛兔之軌。晚悔少作。多不稱意。天才分定。未必加增。直所覽差廣。稍能別擇妍媸耳。每省斯言。輒思焚硯一醑之酒。去古人九醞之醇。亦以遠矣。然猶閑言送日。炊嫗可解。庸音足曲。塞淺自娛。譬諸春者相歌。和秋蟲之吟砌。牧童晚簫。答疏鐘之度湖。無意飯牛之韻。甯辨害馬之指。始作剝啄門籍。米鹽日記。觀可耳。魏疎處士。乏籠紗之句。翠眉老人。署覆甌之編。雌黃雜下。聽客所爲。殺青寫定。非僕能預。逍遙於陸沈之署。食息於衡氣之機。獶孫入布袋。笑這回定送頭皮。蚊子上錢牛。於本分全沒交涉。聊書里語。以當引咎。光緒庚寅。長夏六日。雨中。芳郭鈍安。湯題卷端。

集中寓言。或時有之。妄語則力戒芟除。未敢出也。但恨多謬誤。君當恕醉人。後有覽者。無以爲異。甲午冬又識。



漸西村人初集目錄

詩一

詠蚶

新步

曉發

客游憶山中

陌上

春行湖隄上

贈周葆昌

聖音寺行宮前銅鹿行

上冢作詩呈諸從兄并示弟姪

王大令 錫桐 招同溪上泛舟

酒後書桐君祠西壁

登吳山

漸西村人初集

目錄



漸西村人初集 目錄

輓沈縣丞 瑜

上布政使湘鄉楊公

送同舍生黃元同 以周 歸定海時省試報罷

正月十六日遊虎邱

海上贈凌霞

寄懷莫丈 友芝

黃浦江與友人別

北游詩五章

贈朱亮生 采

與同年譚仲修劉子彝真酒天甯寺

夜飲

大沽口

火輪船行

大沽口南北岸礮臺行

贈龔生記異



附錄一卷

溪上

七里瀨

東隅

西施曲

茅坪

留題胡氏樂志園

新會寺

荒村

會稽

山寺

上烏石灘

山水暴漲上郡守丁頤伯侍御

壽昌

壽昌縣

新城港口弔袁離谷秀才

漸西村人初集 目錄



感寓雜題

苦熱行

西湖雜詩

游靈隱次日作詩記之

飛來峯一綫天

詩二

精舍夜坐效柳儀曹

擬豔歌

效孟東野

書寶山蔣劍人集後

聽同年生錢蔚也彈天問之操

鄧完白山人石交圖

登西林寺塔

陸士衡故宅

發雲間晚泊宕口



訪虛谷上人不值

游南園獨酌菊花下至暮始歸精舍

南匯沈氏女殉難詩

題吳郡王節母家戒後

送高伯平先生遊淮上

讀袁康沙船歎歌以贈之

偶述

王丈永錫桐江舊隱圖

鹿溪張節母古井盟心圖

滬上竹枝詞

詩三

次韻薛糧儲丈將之白門留別

題祭酒吳梅村先生趺坐小像

壽績溪胡荻洲六十初度

古詩

磊磊海中石

游焦山

望攝山

十月二十二日自復興集返北譙卽送薛夫子往秣陵兼問訊戴子高秀才

吳中別胡州倅丈

除夕常州舟次遇雪

望嶽

記明堂物名詩

靈祐寺藏經歌簡楊守敬

渡齊河

小車行潞和閒大雨驟至是夕宿西郭用去年北譙詩韻作一首

王東木隱居詩

靜坐問答

詩四

讀海州邱履平詩

題朱竹垞毛河右兩先生合像

答野航上人

元太保劉秉忠回文鏡歌

午睡

濯足

盆山種松

清溪謠

小居

雲變化

和石庵相國談禪雜咏

觀我

生老病死

觀物

仙龍鬼蝶

總贊觀我 總贊觀物

漸西村人初集 目錄

觀荷蘭刀劍

婺源齊翁年七十餘矣昨游焦山用坡公金山詩韻作詩示予因和之

又和遊金山

太山秦刻石殘字撫本題後

霍山一首上致仕少寇吳竹如先生

敬觀射陽湖石門畫象拓本

浯溪頌

次韻方子箴都轉重建平山堂落成之作

地震詩

汪鋈黃山圖

贈柳賓叔先生 興宗

海雲長老以種瓜圖屬題

過四源溝楊石卿大令鐸監稅於此

詩五

答鄭襄

簡鄭全椒

城中有一鶴

再送馮侯別

晦巖村一首

先府君
讀書處

淮南

泊陳家澹

瓜步

銅井

華林寺

陰陵

溫泉

在江
浦縣

吳山尊學士宅

卓筆峰

戲作俳體詠譙南土風

敝廬遣興

爲人題畫竹

題女史李珣雜花卉

陽湖吳節母詩

積儲歌

蔣節索贈

簡桑根師

題藏書目後

游平山堂二首 同莊中白楊石卿李寶暢高叔遲諸君作

又題

吳門舟次七夕朱六司馬 之榛 招集牙齋作

上元宗公 源瀚 自吾郡移守嘉興率爾奉簡

游烟雨樓三首

丁松生徵君屬題風木庵圖

壽石門校官高丈 學治 六十初度

題家書後

游靈隱寺

卻寄里中諸子短述

喜高仲瀛秋捷

題張子虞同年負書圖後

懷十一從弟鉅下稜羅定切田舍

五君憶

詩六

戲作俳句

古意四首

送施均父落第後之肅州從軍

毗耶

王子裳芙蓉秋水圖

效涪翁體

簡仲修

寄家兄

追和江退谷丈二首

石屋隴曾公嶺去吾縣一牛鳴地耳頗有稻畦竹塙之勝先伯父雪蕉先生卜居於此竹上時有小詩及題名亂後湮滅矣追憶成詠

贈高仲瀛朱鼎父

和胡景曾

寄和王子穎丈

開夜

和李愛伯臺郎移居

簡陳戶部

喬森

庭前花

反游仙詩

竟陵

甲戌七月晦日

答台州王子裳同年

送陶子縝歸越

送人游蜀

涵秋閣詩爲嚴居士作

校獵行十三年秋駐蹕南苑行秋獵禮恭賦

西齋

夜集同芝浦松岑移華作

感舊絕句

仲長公理

高文公伯恭

韋左司

徐仲車先生

讀陽明先生傳習錄

孫徵君

姚惜抱先生

對雪

答龍松岑

贈潘孺初瓊州文昌人隱於金曹吏

漸西村人初集 目錄

春游戲效松岑體

題朝鮮使臣金奭準指頭書

題松岑詩集

四月二十七日書痛

問龍乞水

驅虎負樵

夷亶

雜詩

寓館有女蘿叢生上蔓檐際豐茸可愛聊以遣興

放歌

乙亥重九日詩

止潛比部招同尊老牧莊伯馴鼎父子因宴集徧游城外白雲觀天寧寺諸勝抵暮乃歸走筆爲詩

呈諸公

拙訥翁

金溪陽明乃孔門之琴張曾皙牧皮也拈筆短述

形將

泛海僧

菊

將曉

燈

瓦松

次韻張桐將之濟南別

憶女

漫興

散人

懷昔游戲作

送友人假還秦中省親

時參

上黃子壽丈

詩七

將之保定過蘆溝橋短咏

寓蓮花池作

別亮生

水生

曲池

定興道中懷桐廬

題慈雲寺壁

龍門精舍次韻沈約齋見贈長歌一首

簡汪梅村先生

士鐸

丙子十二月客居林中惜陰書院連日大雪策蹇出游溪谷間盡日乃返

病鶴詩

爲凌高士作

題秦淮水榭所藏宮鏡

懷劉融齋先生

仿滄洲病叟聞善決江河詩體擬作深山儕木石一首

留題半山亭

半山今有寺豈卽荆公故宅後捨爲報寧寺之遺趾耶作詩用公集送孫正之韻

贈董策三

簡吳丈師機一絕

寶藥竹西市中
後隱居甘棠湖

訓林學使

天齡
二十二韻

懷劉司業

贈唐提督

定奎
三十韻

壯詞

放歌訓胡觀察

鳳丹

時客鄂州

調凌子與

江上

頭陀寺

鸚鵡洲

三月十一日自大別至鮎魚口風狂幾不得渡舟行出險追書一詩

楚山

吾師

莊中白索題林蘭客館詩

有懷定林土山之游

觀安吳包倦翁爲吳禮北書竹西求友圖敘吳君屬予題後

雅克薩城

育育

五月五日

贈朱竹石太守

論文一首示同志

吳郡丞新闢東齋

贈崔碩父學博

簡薛提刑

書常

桂枝寓興

高伯足

心變

劉泖生

履芬

雨中招集陶堂陸君亦至酒罷獨游滄浪亭入印心石屋憩坐久之而歸

作詩簡三君

漫興

哭鍾子勤先生

重至晦村

卜居寺假歸
桐廬

桐君孤嶼

觀江濤作

至人

山行雜詩以虛疊非我恥五字爲韻

追題王丈子穎種竹圖

答周桐廬一首

獨秀峯下村居俞趙兩姓
世爲昏因

出世

次韻胡明經泛舟真酒兼別趙鼎兩秀才

無錫道中望惠山

醉裏

夢游茅山寤而記之

贈高叔遲

稼軒吳丈比部七十生朝先期止客見其手帖歎爲盛德事奉寄里詞伏增皇恐

題畫絕句

冬日秣陵龍蟠里精舍作

詩八

讀東洲草堂集題語

舟中觀內子畫海天羣島因題一絕

題所居

壽義烏朱丈詩

園花

哭王少梅大令 汝霖

庫頁島 聞俄人經營其地造船築砦故作是詩

秋暮游西山得詩三首

夜登翠微山絕頂

戒壇松

潭柘泉

招鼎父

方烈婦詩

槐廬前示尊甫翰臣先生經德堂集校畢招飲兼示新詩牽勉奉和並簡章君伯璣
雪中簡松岑院長用韓集寄崔二十六斯立韻並呈謝夢漁給諫

戲書壁

懷桐君山中歌

二十八宿研歌效涪翁體

爲張生作

戲題學舍

詩九

瀨上舟雜興

續咏

戲簡松岑

趣作篆

哭張牧莊

禁城

寄從兄新之

張君立生日詩以勸之

送友人之粵

名子詩

座師孝達張公生日作

寄孫太僕丈

答譚全椒

壽休甯吳學士

李壬叔

善闢七十初度

贈寂照寺法雲長老

昌化人

久不作詩拈筆短述

哭劉泖生

效吾鄉田歌爲秀峯村趙丈六十壽

太息一首贈李雨蒼副都護

張芝浦丈出爲陝安兵備作詩送之

題薛十九神山訪碑圖

詠齋前竹

集槐廬齋中作山谷道人生日

偶題

贈薛十九

哭董策三戶曹

夜

愁臥

送鄧獻之歸黃岡

獻之次均枉答誇其鄉竹田魚蕩之勝所居去寒溪西山隔衣帶水耳欣然會心遂復和之

碣石行次前均

時有賊警大軍屯山海關一帶

夜集

送汪仲伊作令山西卽題其所著書卷尾

題仲伊後緹縈傳奇

欲歸三十均

送辛楣郡倅南游四絕

燭栗示女

九日城西登高

又至畏吾村茶陵李文正公墓

雜言

槐

後寰海二十首

續邵陽魏默深先生作

潘孺老著新帽曉行隘巷間爲人攫去賦新詩獻嘲

買菊

題瀨上舟

丁氏

答和譚全椒

懷鄭令君

時從軍渝關

掾曹

客坐

腐儒

街東

閑中

巷南

戲贈潘高士
存瓊州人

聞亮生不作廬州之游

少宰仁和夏公挽詩

地用莫如馬

孺老謝予曰不如逐伴歸山去長嘯一聲煙霧深云云戲答一絕

宅中竹

朝市

詩十

調樊雲門

簡孺初五六七言斷句

幽栖

送許竹簣侍講奉使日本

答松岑

偶作盆池欣然會心成絕句二十首

寄亮生

時監直
沽稅

恭擬上大行慈安皇太后挽歌詞四首

哭馮大

憶洲上

隣寺

送韋伯嘯出守河間

五月十四夜讀坡公咏李臺卿詩有云垂頭老鶴雀煙雨羣九竅敝衣偶過我危坐若持釣予友凌塵遺形容酷似之意者凌前身乃臺卿邪思之不禁失笑凌時在維揚作詩寄之

楊心物自日本寄予摺扇上作草隸絕佳卻寄

寄題桑根丈新作小西湖茅亭

書慈仁寺壁

予規爲松岑布寘園中石作嶺外劍鋌山形而空其中畚土實之課僮雜種花藥竹樹使仍有紆餘平遠之觀君答云主者近卜賣此屋是將不爲吾有子猶以爲牛奇章物邪作詩記其語

贈鄭襄

松岑諍予云習靜有靜障猶好動有動障均之障也因而思先輩云事障馳利名理障窟文字亦均之障也夫障卽空根垢含淨理脉一刹那念之著離爲凡聖仁者何爲強生分別方當以障掃障然後如水洗水同歸一淨耳予適小極而君招之不出故見嘲云然書此戲答用送章均

題蕭寺尋春圖

夏日

李聿老家藤花盛開

喜鼎父至

醉後觀道旁鬥者

寓廬遣興

鄧侍御齋中觀日本刀

過松岑寓園歸以揀芥一器餉之乞取篆刻二盆覓花栽

君子陽陽二首

效遺山集作休道不蒙稽古力三首

秋日思江上村居

鑷白髮

次韻王無功野望

八月十四夜鄰人徵謳者其聲哀曼動人憶同治辛未與同年生錢蔚也計偕行山東道中道旁里歌其聲相似今蔚也下世踰八九年矣惻然有作

夜起

甚欲

贈劉雲蓀 錫鴻

大徐篆榜詩

獨坐

示謝中舍

寄題晦村田居

存沒口號

潘孺初餽椰子盤率謝

冬日偶題

再懷晦村

招松岑明日游花市斜街

上義庭兄

寄義庭先生

城居

地藏庵

藜床

寄西山隱者

送蕭侍御出守嶺表用昌黎送鄭廣州韻

洪中舍獨釣圖

送座主南皮公巡撫山西

贈李尊老

聞高陶堂令君亡

潘笈孺初將歸海南交於朝士中可謂不肯錄錄自安抱關者矣於其去國也殆猶深愧不能忘情而系以詩

入杪冬十六日立春

詩十一

春雪

題朝鮮金梅隱母朴氏授經圖後

名秉善

偶題

釋惑

屋西

贈鹿溪

適志

自同治末至今燕中俗樂嚙殺促數此羽聲也羽於五音爲物其細已甚殆勿堪矣六安吳公昔嘗語此不無勞者之歌竊取正音之義云爾

訪沈子培景季不遇

懷劉雲蓀

游可園

俗呼三貝子花園

送陸漁笙提學甘肅

得家書

石屏風

雨

唐微卿吏部家新種竹數十本一雨三日竹萌怒生舉酒觴客予亦同作
送張仲模侍講出知金華

幽居

挽韋伯璣

致仕相國納拉公挽詞

諱全慶

蓐老敦夫枉訪不值

中秋

儒史

行年

張君藹卿將之保陽省覲作詩送之

寄賀李景卿生子

許仙坪丈新除河北監司有贈

八月晦日夜記彗星狀

寄朱竹石觀察四十四韻

挽王子恆比部丈

梅延祖挽詞

劉恭父挽詞

徵卿將使越南卽題其萬里請纓圖爲別

寄題從外舅薛夫子黃葉村莊

街西一椽屋

送許仙坪丈

微雪獨坐

憶舊

雪

朱兵曹移居戲贈

寄從子德正

懷松岑

招朱兵曹

上周自庵閣學

吾將篇

除夕口占

詩十二

癸未元日作

春游

懷楊西華丈

長年

靈丁一首

西山隱者

吳宗丞使還餽研甄

竺坡侍郎獲嚴譴以長句贈之

層臺一首

松岑獄中用蘇文忠韻作詩見示次韻荅之

露

壽周苻農先生七十

上大理卿前侍郎長沙徐先生

再訓湘陰相公一首

晦巖村

寄顧秀才

蕭寺

次韻薛十八題圖二絕

智凝上人新闢睡軒

訓洪右臣給諫朱鼎父著作

題洪大詩集

細雨

故提督陳公國瑞 湖北應城人敢決善戰同治初立功淮潁閒後緣案謫戍黑龍江庚辰俄事未決

南皮張公材而薦之於朝未果用聞其瘁于戍所也哀之以詩

答人問京華耆舊

馮夢華失足墮溝中作此獻謝

偶題

長句八韻爲縉雲王母壽

夜起

夢中作不知何解姑書之

頽牆下枯竹復活

送松岑赴戍所

夜讀柏峴山房集

臥聞吹笛

寄薛十八

秋日書感

漆園

送楊雪漁使黔中

重送潘孺老

壽昌校官楊丈年六十詩

棗花寺

芸舫乞病歸吳江追送不及悵然有寄

次韻子培古詩二首

雨蒼將卜隱田盤山戲贈一絕

漫書

寄山中道流

雜言

悲日南三首

尊老見示重九棗花寺集送孺初詩奉和一首兼以寄孺翁

簡王荊卿

座主禮部侍郎張公挽詩

招胡繡山

登城野望

答張仲模

竹影

次韻答希梅

廢圃

畏人

適俗

戲簡子培子封

將掾于典客署書懷三絕

瀨齋偶題

咏道旁廢池

閒居瓊述

有懷葦老

東廡頗有竹樹假山之勝顧而樂之

寂寂

馮侍御西山探梅圖

歲除獨謠

詩十三

甲申歲朝試筆

葦老將之析津作詩送之

贈子培

寄座主張中丞

宿東廡書感呈張副都 佩綸

尋春三絕

又題一絕

戲簡竹簣侍講

贈同年樊雲門

閒庭鳥下

頽寺一首 爲雲門作

次韻竹簣送陳伯平同年出守大同

西軒睡起

寄懷從外舅薛先生江上精舍

二月十三日自庵公生日雪

謝方勉夫惠柿霜

予前致雲門書有以樊名寺之獻君將出都因復贈之

閉門

無錫秦公下世

以詩問鼎父寺寓海棠花發未將攜酒過之

海棠已謝

詩後別題三絕句

望西山

松生爲買書甚多遠致京邸以詩寄謝

聞樊子游豐臺看花

送雲門

贈薛叔賴同年分巡浙東

寄張學士閩中

哭表兄王芹父

何處迎秋早

東廊三絕

寄尊老

答葦老見贈詩有一臺二妙之句

感秋一章呈子培秋曹鼎父侍御

秋日思鼎父

窮巷

龍泉寺薛荔牆

游土山口號

送岡鹿門處士歸日本

李將軍餉予佳柿及梨云自盤山攜來

重送岡君

示兒詩

題徐亞陶環翠軒賞菊圖

謝洪給諫

楊心貺銜使江西作詩送之

曉坐東窗下漫題數語

嶧縣王君六十壽詩

代

憶山居吟

瑣璫

水仙

寄松岑

東皋子

十二月十三夜月

寄鄧鴻臚

漸西村人初集

詩一

清袁昶著

詠蚶

者味十月枯。晨爨然越竹。鱗鱗蟹已殘。芻蕘酒初熟。食單謀燂人。染指讐介族。有蟲諡稱蚶。適口味抗飯。貢弛明州苛。孔攷事形譌服翼禿。說文云老蜃翼所化螺房擁寶髻。蛤像羅金粟。離離瓦鬬楞。激激瓊璧肉。閉唇雷怒號。剝殼雨新沐。金沙堆鱗皴。玉柱藏瑟縮。錫之紫暉階。化同黃雀速。荆以蠹盈扶。調以酒一斛。魁陸雅登諸。專車箋亦夙。海月拾奚殊。石華采匪獨。螭鬚排十稜。蚌甲減半屋。無嫌犀筋鑿。瞥見銅杆簇。蜺羹卻少顏。蜺醢甯見錄。紋斜外離奇。理正中臄臄。橙香佐三嗅。螯巨賤滿掬。鑿髓繡圍欄。剖腔霜列鏤。何煩密罟施。何假嚴戈逐。輕紅荔凝脂。編貝珠吐目。諏之養生家。或云補心蚶。黃生姹女芽。涼沁彭尸伏。鹵種何田田。春盤常漣漣。宜隨蛤梨澆。未許鵲啄啄。露蠅難比倫。寒鼈亦可惡。南食例成詩。惠文誰肖服。北人不解煮。勸學恐誤讀。但救辦椒聲。漫嘲無麥麴。君看詠蚶篇。強均恣往復。

此丙寅冬湖上精舍落成開課。少宰泰與吳公所命題也。限儼孟韓連句。詩成殊蒙激賞。今公墓艸已宿矣。追錄存之。不覺泫然。同治十一年長夏客竹西記。

新步 丁卯

洞霧溼如雨。山桃紅見花。別來曾釣石。漲出一弓沙。

曉發

漠漠一江雲。風吹如縠絮。漸聞篙石喧。稍辨青林曙。推篷迴望白雲飛。須臾復度前山去。

客游憶山中

君在東臺朝日暎。妾住西臺時已昏。君家開門蟻獻果。妾家插棘憎王孫。安樂塔前青徧楊。西溪中有雙鴛央。驚風弱蔓栖不定。飛上平頭奴子箱。瓜蔓水生鱖魚來。紫薑綠笋佐新醅。武林鄉味不易致。喚取江船幾日迴。

陌上

陌上雉朝雊。城南烏夜啼。併入朱絲裏。消息斷金閨。

春行湖隄上

春行湖隄上。隄上積芳草。宛轉雙翠虹。卻向孤山抱。濯濯前夜雨。絲絲今日風。垂楊弄薄霧。著衣何濛濛。

贈周葆昌

周生意氣如劇孟。落拓狂歌不知病。途窮閱盡世間人。髮禿慚看閩裏鏡。鴛座來從潁水陰。知交日散千黃金。緣情筆札頗橫逸。結客屠簫相與尋。危城羽書急飛矢。士面如灰鼓聲死。滿營都統賜冠帶。趣効哭。

秦書一紙。君本名家子。挽弓仍習騎。一朝青犢千羣至。圍城久飢城不支。如何熊僚失微介。翻令蔡女賤流離。乏熊僚之微介兮。慮我生之鐵夷。見漢崔篆賦。脫身歸來足穿屨。摧殘那復支門戶。長劍空持刈旅葵。海圖散放汙寒具。三刀益州無復夢。一箭聊城嗟已暮。徒言大澤牧牛羊。未有宿糧謀雁鶩。少日豪華轉眼過。青絲陌上鞦韆駝。今成咸里無依倚。歸徒壁立市人訶。偶然載酒來相問。爲作城西俠少歌。

聖晉寺行宮前銅鹿行

古稀天子六省方。帳殿金屏照水黃。當年故物獨銅鹿。口銜芝菌望幸長。與二仙禽列爲四。舊存其一今亡矣。玉獅盜去田彭郎。承露金仙爲墮淚。眼見陽和八八春。嘉慶己未。宮中時黜書。猶稱乾隆六十四年。惟內廷臣工。乃預敘賜。鑄始乾隆金幾斤。更溯景陵遺老盡。上方龍象空煙雲。摧牙落角苦花綠。亂領妖耍應怒觸。時來被錦孤山陽。亂定渥泥湖水曲。枯枝猶訝長生牌。野鼠啼向荒壇蓼。名藍一炬守吏去。賸有殘僧拾墮柴。文瀾閣圯梁空在。書付秦灰誰續採。容思親解塵角譌。文物當年盛淵海。宮前野翁曝背言。今是乾隆幾葉孫。先皇不寶四白鹿。再拜溪毛薦水溫。

上冢作詩呈諸從兄並示弟姪

惻惻葉辭樹。湛湛水回波。亂離不忍源。蕪沒故園阿。負土成宰隴。烏口亦以瘞。戴山松栝長。歲月一何多。吞聲無家別。遑問礪中邁。

又

我祖復初公。鑿檻書萬軸。庭誥如官衙。俞培庵先生贈王父詩云。待人春風溫。誠子秋實肅。君獨守世範。庭內如官衙。恤鄰共年穀。生晚未逮事。家故諸父熟。書隨劫火然。諸父亦陵谷。相與寶遺箴。慶餘勤抱樸。清德慎勿忘。做予循初服。

又

辛壬邑被兵。癸甲家毀難。陰陽寇莫大。水火蹈幾爛。痛絕不欲言。寒泉助淒惋。先公有遺訓。學禮乃質幹。結交宜老蒼。經心肉弗貫。釜入而卮出。斂約要勿畔。深戒挾策嬰。面背宵徹汗。修學功在勤。積慝冀一遣。灑淚崇山阿。溯毛今復爨。

又

木有名交讓。喬柯晚逾馨。行飛與跪乳。動物亦精靈。綿綿守庭誥。亂定俱蠹丁。飢驅各有務。勞生感漂萍。相與敦慕祭。菲薄捧土鏹。詩人懷明發。急難喻脊令。繼別雖有殊。風規期相傾。

王大令 錫桐 招同溪上泛舟

山水方滋酒舫同。勸耕環立有村童。洞寒服翼千年雨。溪散春鉏一棹風。垂釣坐忘青箬裏。意行遙指翠微通。受書我欲金門去。挂席相要茂宰同。

答王令君書 附錄

昔瓠巴鼓瑟。感伏櫪而沈思。秦青振謳。遏行雲而直上。微霜蠶而巨鐘應。遠壑嘯而降埤盈。雖在末技。庶無乖於正南。願奏卒章。以上薄夫正始。乃者岸幘密坐。靈襟博摠。道詢牧子。虛陳害馬之箴。日

笑朱泚。第抱屠龍之癖。春餘夏始。草木被潭。既追休譙。復滋詠思。犯詩人胡顏之譏。有子勝斐然之意。蒼波九折。灘聲轉雷。危石千尋。山罅縈黛。釣壇霞起。而西峙。桐君鸞驂而東驚。臥理不事。榮觀超然。涿令行春之暇。郭生維舟之懷。尸而祝之。古猶今也。策牛車入縣門者。舍賤子其誰哉。拙藻十章。謹遣簡餘。慚隨悚并。

詩十首。仿楊處道送薛播州體。久失之。

酒後書桐君祠西壁

百丈危崖寺枕流。如鳬出沒瞰千舟。路人未作蘇門嘯。猶有碧鸞栖上頭。巧避松根添曲徑。環依塔影作禪房。頽垣俄化成金碧。劫火今重見道場。採藥仙翁去不還。猶留藥錄在人閒。夜分一道澄江月。瞥見洞門遲上關。寺後萬竹淨暉暉。城郭人民嗟已非。惟有韉紅嬌阿酷。一株斜出石欄圍。

亂後存安石櫺一株。猶承平時物。

登吳山

江湖左右樂無有。坐約浮嵐浴翠來。高倚晴空一柱觀。遠餐雲氣八風臺。靈肯不盡驚濤恨。通寇俄消猛炭灰。欲訪竹皮冠道士。丹成隻履印蒼苔。

輓沈縣丞瑜

泝辭技雖纖。器或投時利。嗟君抱雋才。未得一命試。卑駟降倨髡。應閒事外致。方今款重譯。議欲張五餌。燭武精未亡。政堪供策使。有口若懸河。無階可投壘。游好忽經年。甚槩閒同戲。蟲臂俄看化。石火真若寄。

翩翩記室牘，戢戢猶滿笥。朽孰千金買，貧無一椽庇。作詩告其鄰，庶垂脫躄義。

上布政使湘鄉楊公

冲翮儀赤霄，衡雲洒餘綯。快攜巨犗來，壓欲制河徧。昔佐湘陰節，練衣穿未綻。批答軍中書，朗若巖下電。龍鬬夷鄭氛，鵬飛靖宋變。野靜消烽燭，川寒明組練。稍散耕牧營，裁聞絹縠賤。疏疏柳貫魚，械械林巢燕。大州初百戶，步障陰芳甸。下縣始十丁，桑麻繡墳衍。田翁昨見招，今年炊玉簫。啄稻黃雞肥，奉饗白酒澆。縣令罷追呼，心知台司善。盍來醉瓦盆，起舞輕欲旋。杜甫美嚴公，泥飲難謠諺。公來吳越穰，歲計知衆忤。媿非王褒才，宣布三詩擅。徒仰喬木陰，憇予荒谷跼。

送同舍生黃元同

以周

歸定海時省試報罷

鏗鏘楊子行，精舍談經客。謂楊孝廉方正文杰君從海上來，幾斂元日席。抱瑟不諧時，對策常逾格。里耳笑折楊，腐芥昧虎魄。塞剝匪人爲，返我純懿宅。譬如空中花，何能媚虛白。清尊幾日同，驪歌澹將夕。何以慰索居，念來通簡尺。

又

論事常病粗，析理常病迂。解故失之碎，尊心又多誣。護朽黨枯竹，人人自言嫖。誰爲閨市平，融貫無壅拘。大哉四明學，汲綆資先傳。深甯與東發，康莊絕歧趨。合經誼治事，實大華亦芻。冥冥背時利，穰穰解飢飢。睇從鮎埼後，復得靜者徒。

又

弱植遑庭趨。章句久蕪廢。翔穫今乍聞。滯義前多悔。說易十翼尊。不惑九師碎。禮家平聚訟。齊斧伐茅茷。君如識時賈。秋斂春可貸。執經欲相追。心源資一溉。從之寂寞濱。晚學發深慨。

正月十六日游虎邱 戊辰

吳山多肉而少骨。斯邱聊作層巒觀。我來正逢早春節。殘雪在地凌兢寒。道旁花枝偶一笑。嫺如姑射衣。君單山椒何處動清聲。道人晚課經卷殘。何年胡僧演聖諦。緇白千衆留虛壇。項楚淮張皆電滅。陵谷幾變徒浩歎。君看劍池石壁上。題名蛇蚓半已漫。將母上有兩何迹。充隱曾此積巾冠。梁何求及從弟允俱隱此山見處士傳樓觀盡入兵火劫。甞揭猶博落衣剝。小儒金椎倘發冢。葬劍定出魚腸斑。超然但愛清遠句。雲霧欲出松團團。

海上贈凌霞

古井門前水。汲多猶未渾。跼蹐來照影。薺苔喜逢人。蜀肆百錢卜。林宗一角巾。看君用幽意。閱世陌頭塵。

寄懷莫丈 友芝

畸人下西徼。於時老學林。昨歲針東城。飭我無窮心。去之禹穴游。再宿茅山陰。手摹石竈古。足躡玉笥深。糧盡疑楚跼。火迫效會吟。丁卯秋先生至杭州寓東城講舍九月渡江謁禹陵往來吳越間。客星不可尋。進則恥苟祿。退殊甘陸沈。相俟闢書局。殘籍資君繹。湘鄉公屬丈采訪三閭讀書祕閣有劫火。羽陵無留蟬。門攤與市集。得不異碎金。君如波斯胡。

老眼撥翳霧，佳本往往致。古刻朝朝臨，新得梁石揭數事。朱鈴影山堂，豪奪者頗歆。簾讀終難祕，傳鈔方自今。著好良非俗，風期夙所欽。一卷邵亭詩，萬古浯溪音。泠泠寫佳趣，落落滿塵襟。何以慰相思，海山望蕭穆。

黃浦江與友人別

大江銜落日，千里怒潮生。夕上樓船穩，朝喧爆竹晴。火林明蜃市，夷俗接羊城。笑我無邊略，支離賦遠征。

北游詩五章

早無捧檄懽，遠出常悽然。昨登賈胡船，浪逐計吏筵。滄海日月白，神皋車馬填。皇居氣色麗，層城歌吹喧。孫卿始適郢，樂生乍游燕。仰慙先民質，俯乖末俗妍。

辰星主外夷，漠氣如層闕。王公有天險，尉候無私謁。宅中倚名山，佳氣曖皇都。增城環淥水，平野入青蕪。

甘泉列夷邸，時夷館羅橫，布列前門內，玉河橋左右。法宮受計吏，絕域致蒲桃。炎洲徠孔翠，跋辟爾何物。乃牧太山側，此輩少

爲貴。爲戒恐蕃殖，不聞貴者歎。但見賤者憂，畸士夫何言。寂漠焉所求。

金山東西林，國語山曰阿林，與安嶺我之東金山，阿爾泰山，則西金山也。鐵山三千區，繫中國之利。毒天下有餘，鹽鐵古有論。治官職常

輸，昨來析津口，官船敗沙淤。估胡造六舶，瑾若黃金塗。彼挾有利器，豈我武庫無。動訾管商者，拘瞀何其

愚。

亭林疏布士，其氣雄萬夫。當其十三陵，杜鵑拜何劬。每慕文淵牧，曠莽林野娛。昏谷量牛羊，世事百不如。名恥登薦牘，迹則淹神都。晚息華陰機，茲亦栖精廬。遺迹城西寺，濁醪薦雙壺。溪毛懷近躅，泠泠何與朱。

慈仁寺顯生祠堂

南州春已闌。北平春方始。妍妍杏花繁。吐秀殊可喜。黃沙白雪中。對之光薤薤。西山向我笑。粲然有心理。館宇非一區。烟嵐凝暮紫。願結公超廬。巖陰或成市。

贈朱亮生采

長安一雨洗車塵。三條陌上滯行人。風吹歌管家家玉。花澹紅樓樹樹春。獨有儒宮散秩賤。時充官學教習久客誰能鬢不變。人言九事八爲律。張日君空爛巖電。勿嫌世議坐相侵。且仗心兵持不戰。我勞行役手時戰。子抱匡時淚如霰。上書試伏日華門。起草會直明光殿。

與同年譚仲修劉子彝宴酒天甯寺

夜談戒春游。粲爛燭花紅。朝來理輕策。浩蕩郊原蔥。出郭一牛鳴。意冥塵市空。詰曲入寺門。稍循萬竹叢。藏山忽蕭曠。勃窣疏林中。石床落髮合。微徑蠶房通。塔光媚洩雲。時漏日腳紅。三月猶薄寒。春氣來蓬蓬。偶聞定中聲。醉臥松下風。日入未須返。短歌意何窮。

夜飲

暫破塵中笑。聊分席上甘。歌喉催辭訪。舞袖屬何戡。瞥過春如夢。應須酒是耽。蕭蕭簾外雨。香霧坐花南。
時春明報罷

大沽口

天闕排雲未可通。歸來垂翅逐冥鴻。莫嫌荒戍無東道。喜送輕舟有北風。
神堯一旅宅神州。東楚蟬嫣揚水流。日暮飢烏栖戰壘。行人迴首望礪樓。

是日觀南北岸礪壘

火輪船行

夸之操舟。蛇行若神。剗海西木。稀突通津。伐材息力。冶金大秦。堅取多節。匠惟輪人。廣廠鎔錐。器師畢陳。
毒龍鼓鞴。腥風運斤。祆精夜叫。巧厯朝呻。激謫虹洞。邪許雷震。齋十梓慶。械百公輸。一旦成之。身橫海嶠。
馬銜右負。天吳前驅。銳首大腹。樓觀莫踰。尾如修鯨。漆髹金塗。樓觀伊何。迴梯螺旋。洞窗沈沈。入地出天。
突者如阜。呀者如淵。蜂肆螻宮。吁可怪焉。螻宮伊何。火齊空青。斲孔開鍵。門牡飛鳴。增臺偃月。刻漏奔星。
俛眎海水。瀾汗窮冥。指南之鍼。記里之鼓。管分甲癸。矩程立臥。大突不黔。枝撐火柱。旁綴罽毼。炎烟絕吐。
下列機舂。風輪激怒。銜銜汽弩。金鐵相磨。挈之若抽。首下尻高。崑崙百輩。其捷如獐。水盪火射。兔落螭號。
雙膏爍石。攜汗成圍。內火出火。生機殺機。天池晝涸。枉矢宵飛。鱗鬣介慄。海氣森霏。羊腍未熟。五百由延。
朝拂陽谷。夕杙虞泉。左言侮食。高嚼蠻貊。恃其利器。自以無前。書生覘敵。長技三五。師葉爲舟。餘巧求野。
昔敗藥疑。今收三戶。彼壙有隼。盍其禦侮。

大沽口南北岸礪臺行

臺築於咸豐八年。科爾沁僧忠親王成之。北鉗沽。東枕海。形勢殊壯。軒城突門。孔道突帳。蘭石虎落。方色與兵樓櫓之屬。各有法度。形勢屹然。國之東門也。

咸豐八年秋。月蝕析木辰。海水忽飛溢。麟鬬困採薪。聖謨念安邊。簡任在柿埵。賢主如策淩。抗材諾顏部。
詔移火器千。精手皆索倫。亦有綠旗制。甲仗如蠶屯。直沽道幾何。相距如犄角。絡繹陣雲生。蕭條血雨爆。
磨爲發石車。說始買侍中。佛胥始作俑。後膛鑄用銅。築臺堅且利。繚以大裨海。敵鏢思猛士。犬羊誓殄醢。
金城此百仞。穿穴如鬼工。官錢少府竭。木石西山空。兩臺如列牙。對峙沾南北。赫赫振天關。森森迴地軸。
北如箕哆口。太陰負土囊。南如伏於菟。呀豁洞幽陽。上建大將纛。下排鍊蒺藜。豈知不拔勢。響若波潰隄。
夷氣如穹閭。又如大幡船。城摧九距械。陸圯三重淵。朝聞築長城。夕聞墮長城。卷甲委之去。內訌如沸羹。
聖皇今御極。陽惠賈三五。仁誼爲鈎強。明刑及幽羽。王功在冊府。軍政修成規。再拜墜形志。一爲廟算資。

贈龔生記異

跌蕩名家子。胡爲窮海邊。予晞塞上姿。近識龔生賢。寶鼎出層水。初陽生曙天。欲招朱鷺下。含意豈無弦。

漸西村人初集

附錄卷一

溪上 以下改存少作

綠沙白石時見底。水荇帶暎溪毛肥。十村九瀨水激激。以水沃碓無停機。郭文石室在何許。自文之去虎亦飢。微君釣壇去瀨近。下有盤石不可磯。紫溪赤瀨酈元說。今之兩臺荒是非。據水經注：嚴陵釣壇，當在桐廬至於潛，十六瀨中之第二瀨。在天宇仄。忽曠沙際迴清暉。湫龍戲就石上菴。山鳥怯向潭心飛。厓東有屋誰所營。懸然非人沐方晞。人生胡不早作計。從之劇藥癩百痲。

七里瀨

泊舟青楓林。訪道丹嶂碣。峽束一水怒。雲綻兩厓缺。崩圻屢紆迴。穹谷異涼熱。花開太上春。石戴堯年雪。松霏仙壇花。泉竅乳穴咽。道逢元真子。授我真觀訣。豈無千祿心。恐妨衛生拙。山木有枯榮。溪雲亦生滅。還當泛宅去。徑與人寰別。元真子張志和，東陽人，明經。諱著作，貶南海尉，不赴，遂棄去，浮遊江湖，著書三萬言。東陽鄰州，意此瀨張子往會稽吳興，必時經過上下矣。

東陽 咸豐八年秋，侍家君來游，題名。

東陽以曲勝。山容靜而嫵。石淙擘分流。松子落磯戶。紆折稍成邱。蕭寥誰蒼宇。獨秀峯下，趙氏有別業一區。溪多二寸

魚瘦不供膾縷。嚴情懌佳辰。游殿今始果。拳搗二三子。散朗樵牧伍。虛深狀非一。喧寂情各取。探奇若有適。捫壁聊可俯。一酌溪泉甘。再酌沈河愈。倘卜此窮年。卽是開山祖。

西施曲

溪橋楊柳百尺條。落絮旋作浮萍飄。萍隨水去無消息。溪女如花淚沾臆。昨來寂寞今榮華。曲讌長洲錦障遮。歌舞未終吳殿破。濁泥芳草玉鉤斜。何如養色含津氣。椎髻溪頭長浣紗。

附考

墨子親士篇云。西施之沈其美也。唐人詩。惆悵闔閭門外水。濁泥猶得葬西施。此說差爲得實。杜司勳所云。一垓逐鴟夷者。垓從車葬也。荆公詩。遙聽下阪垓。正用葬車意。疑後人誤改作舸。杜詩第謂殉君之意。追逐伍大夫。盛以鴟夷葬之。江魚之腹耳。非指鴟夷子皮也。語兒鄉留頓三年之謬說。出陸廣微吳前人已辨之者。史記越世家。附述范蠡始末。略及其妻子楚獄事。無此野言。自當引墨子書爲證。

茅坪

夜宿白雲源。朝登白雲嶺。山下芋田已足豪。山中樵客多生癭。元英居士不歸來。谷汲林衣疎造請。機春水際亦忘機。礪戶無人風自打。

留題胡氏樂志園

危亭支碧戶。仙竈隔紅塵。檐竹春喧鶻。溪花晚照人。果園誰氏好。酒戶此中真。不識仲長子。何論入帝門。

新會寺

寺有泉甚甘。宋禮部侍郎方公懋刻記石上。

避寇不十里。山椒寺已昏。秋生赤華舍。日落長松根。別派非新學。窮源待細論。卻愁燧火迫。寄食亦無村。

荒村三首

十聚九空林。春山嘯怪禽。曠無人爨汲。日畏氣蕭森。饑虎窺籬入。飢鳥啄食貪。朝來兵氣至。愁霧欲沈嵐。

狂寇誰能破。柯山頓楚師。望應穿父老。遲未睹官儀。

會稽

時陷賊中。

時左中丞劉所之師。久次衢州。

危埤寒日倚崢嶸。滿地烽煙旅客驚。芒屨星餐尋禹穴。南冠雪涕望堯城。若邪溪澗劍雙去。射的山空蟻一鳴。何限無家感世別。六千君子壘縱橫。

山寺

在晦村西岫。

何處訪招提。林表見積塔。疎磬煙乍沈。荒橋竹方合。盡日不逢人。行歌山響答。壇松隕無風。簷栖馴有鷓。僧支折足鐺。西澗淨可汲。山中地虎多。居此今幾臘。亦復有賓主。煮茶聲颯颯。

上烏石灘

何年鑿此險。水石兩相磨。石似翻驚落。湍兼風怒號。黃牛春峽怯。白馬秋濤豪。長年養神去。行子上潭勞。

遙望墟煙起，還沾玉色醪。

山水暴漲上郡守丁頤伯侍御

壽昌

龍山夜沈尖露塔，潰壑無舟雲四合。蒼水使者乘怒潮，急雨翻盆風颯颯。江漲一夜三丈強，白鼃如山驕蹴踏。大屋騎危面似灰，小航屈屐人畜雜。須臾日出熱氣蒸，病者重腿探羸蛤。淮陰賢將工勒移，縛鱷如羊三日期。大呼篙工集南市，未遣漂沒波中兒。柱後惠文詢疾苦，傳檄江神莫公侮。

壽昌縣

圻岸疑無路，迴溪忽有天。荒墟出蒙密，復激沂回沿。昨泛孤槎入，時逢百丈牽。傾厓藤絡樹，暗澗竹奔泉。野市看縣獮，深林獨聽鶉。夜聲寒類豹，朝氣白于煙。展障雅叉倚，燒畬虎落編。居民今幾戶，斗米直千錢。倦客行復去，此鄉誰最賢。翁洮隱何許，枯木到今傳。

新城港口弔袁離谷秀才

君詩有云·積塔臥斜陽·時人稱爲佳句·

積塔斜陽句，天機妙更新。吾宗傳早秀，中歲厄飢貧。未結夔蚊契，空憑譚

仲修明經·

蔡子鼎秀才·

論煙濤倚漂

泊巖壑寫風神。一髮鳥爭路，十圍松絕塵。羅橫才不儉，章碣宅將隄。臥柳妨船腹，垂蘿陟島潏。權奇知使氣，洲渚尙生鱗。醺酒爾投越，乘泝余辟秦。荒年珠糴米，陷虜鬼輸薪。祿相無三甲，春杵薦五辛。蘼蕪山下徧，行迹未應陳。

感寓雜題 以下丙寅年

增冰非一寒。鑠石非一暑。日月無停輪。龍蛇生于野。浮雲西北馳。瀉水東南下。器車不生山。祥金不躍冶。至言闕撞鐘。俗論紛注瓦。小人善抵巇。君子常安雅。咄彼日遊神。工騎火馳馬。示人杜德機。客亦胡爲者。赭嶽有悴木。驚湍無憺漚。食息將焉託。鬢毛颯已秋。黃鵠不得食。凡鳥競養羞。古來磔落士。拙爲一身謀。口以五味爽。目以五色蒼。市易島索聚。積氣金銀空。地亦有盡藏。杆柚困大東。亂定俗益侈。豪奢競雷同。野容炫於市。孝養缺于宮。久不聞直指。整俗砭頑豐。勿笑齊晏子。禿裘矯積風。勿陋朱墨翟。掇時相爲庸。螳螂欲承蜩。雀乃睨其旁。王孫挾金彈。不畏露溼裳。虞人許先發。逐利害則忘。不庭三月久。同殉兩情傷。盈者遭鬼瞰。虛者睇神藏。泊然遠聲利。勿處錐刀場。

知瑤圍晉陽。志驕行決渠。漁者遮說之。識微效其愚。闇主策不用。勢成自累置。人以君爲餌。君以人爲魚。餌弱而魚強。吞舟將何如。危哉驂乘謀。殺機不留餘。忠言反獲罪。曙戒乃見疎。

仲夏初入霽。古之伐蛟期。舉石氣蒸暝。疾雷破塵屨。元雲上沖天。草木毒流滌。吟如蟬悶掌。誰能辨其微。今年蛟水大。萬室隨魚髻。山田耕少力。野豕墮垣籬。公家發耜種。吏復乾沒之。萬物人之盜。猶可毆除爲。吏還爲民盜。民困無窮期。

然山雲爲紅。吹劍氣爲白。蚩尤曳寒空。浮浮盪精魄。巨寇誰驅除。馮昏幾藏疾。不知何鄉樂。不知何土適。莖化已爲茅。枳變非復橘。險夷無可揀。骨肉長相失。倚檻羨涼州。秦血乃沒却。頻年人食人。蕭條千里畢。荒榛滿故墟。旅葵誰當掘。痛定還思痛。悲風何懷慄。此迫述庚申至癸亥四年中。亂離家破州殘之狀。乾嘉全盛日。儒風被鄒魯。辨

園校文繁。祕閣遺書聚。大則金石搜。細猶蟲魚注。賢哉劉諸城。不欲開四庫。謂非當務急。盡守高曾矩。名相當國言。意與金壇悟。是時海禁開。銜轡柔窺竄。地大龔牙生。貞風馴害蠱。文盛吏術衰。朴散材器竄。忌諱民彌貧。臣妾相媚嫵。勿恥言農戰。文儒競纂組。自來積陵夷。虛談每廢務。元龜在康熙。朝多德人俟。直言旌樸忠。良吏師往古。屏夷不窺邊。邊民得安處。煌煌五體碑。震響泥不楮。

苦熱行

上義庭兄

窖烘六合火。地濁赤龍嶂。嶸嶸誰拔角。又聞炎洲之草木。化作千億光明燭。吾兄昨示苦熱行。比年憂憤何當平。象郡削天火井聚。虺毒潛吹起旁午。奔逃將吏莫敢訶。燎原之災由一縷。愁衝沙蟲墮長空。安得將軍大黃弩。射鳥赤嘴落湯池。冷風來蘇子遺戶。南村北村廢耕作。荒田草宅淚如雨。元蜂若壺螫飢靡。相呼成羣東南飛。鑠流金石血原野。至今故里鄰人稀。昨者雨師傾天瓢。一洗炎歊滌千里。頭風復愈眼無花。赤阪遺民偶不死。凶年兵後復酸心。相保何時免毒霧。兄獨脩然耕谷口。白雲源裏飯牛深。祇期伏日茅柴酒。沮溺同耕勸復耨。

西湖雜詩

時居孤山下
話經精舍

賸有湖暉在。湖山浩劫驚。遺民緬汪瀕。曾此養殘生。牽陸舟未穩。銜山月自明。諸生精舍茆。突兀屋初成。已燬錢王廟。空懷衣錦軍。中原碣無水。偏霸鬱興雲。始倚波濤阻。終看朝請勤。餘花陌上發。游女尚羅裙。紈扇持障面。船窗差隱身。蘋花騷客薦。菱葉浣娃顰。青鳥來銜札。紅巾去拔塵。盈盈一水際。晚見遠山皺。

此有所
寓

賁休名畫在。草長石幢深。十地應眞壯。幾年山雨侵。荒池朝出霧。壞閣暝歸禽。偶見一螢度。翻疑佛火深。
北山多釣叟。四壁掛蓑衣。山氣壓茅屋。水光搖翠微。渚片牙已白。山槩葉初稀。我是無田者。江干漫說歸。
淮僧葛嶺下。續前上人。自維揚至。偕仲修訪之。又印月。朝天台回。戒行精嚴。欲訪其人。已去。前日叩荆扉。稍稍白露下。攀攀黃柳稀。精梵三車問。否餐一鉢飢。喜尋方外友。予髮待明晞。

飛雨捲湖至。橫空白氣來。湖心俄失閣。石罅忽驚雷。倚檻裁炊許。披襟實快哉。雲收待夕霽。更上初陽臺。
宗淨諸天異。承平列刹深。劫灰無住著。隨分作登臨。翻得眞實相。自存山水音。眼空除翳障。伐棘出遙岑。
壞塔南山椒。俗云神物憑。無梯阻游屐。有樹蔓寒藤。下憩胡僧坐。宵深見塔鐙。異花西域至。上覆乳巢鷹。
日盪雲成水。湖明艇接天。興來成獨往。佳處輒參禪。社鼓村村臘。叢梅樹樹仙。遙看茅一把。葛嶺起孤煙。
名山近城少。喧處得佳觀。洞有煙霞古。泉無沙礫寒。繚隄虹幾曲。窄徑石千盤。形勝餘杭麓。題名壁屢漫。
菱花秋已半。愁絕采菱人。蕩子江南去。與花相見親。人行避鷺羽。花落覆魚鱗。持贈江南客。迴船一愴神。
游靈隱次日作詩記之

少耽名山游。欲乘龍蹻去。昨游靈鷲嶺。異狀難名數。日行閭浮嵐氣殷。綠蘿上覆雲根屏。洞中瘖虎伏。不
動洞外老蘚綠。梯斑世上炎歊峽中冷。寒碧一勺牙生鋌。峯峯石壁面勢異。大似伊闕雕屏顏。梁穿唐鑿
不暇詰。鬼工神斧搜天關。辟支弟子已偉絕。況有七佛難躋攀。揭潛說友臨安志。理公巖石佛像。梁後唐前已有之。不自元僧始。輅光苦縣

篇第幾。

河上公注名。以第七篇爲輶光。

縹緲溼翠浮雲閒。餘杭之勝天目最。靈峽奔湍此山會。絕頂傳聞宵見日。海門遙望濤如帶。匆匆興盡未果游。徑壞奔泉鳴石瀨。山僧劫後梵筵空。惟有危樓臥古鐘。事往何人留鏤壁。時清無鉢可降龍。逃空早晚重來此。待取秋山霜葉紅。

飛來峯一綫天

南戒何緣覓祖峯。山峽潛移天不動。毗沙夜半斲龍耳。擲下西方一疊空。我行逢秋日。林赤霜垂實。胡僧何年卜居此。天扉微開一綫出。削厓仰刮青頗黎。佛光瞥見還易失。奇石粗沙足下生。巖腹疑有山靈擇。山囚鐵鑲木石精。風出空穴時一鳴。坤乾雷礧剗復成。千年崩石藤爲繖。赤箭青芝不可名。蜺呼游人谷自磨。偃松往往蓋一畝。老父夜輶青羊行。日欲落兮山罅合。天光佛髻交冥冥。

漸西村人初集

詩一

精舍夜坐效柳儀曹

戊辰閏四月

寂寂芳樹下。融融草露晞。幽陽出繁表。金波穆微微。據梧隱畸士。挾瑟招靈妃。遠自薊門道。來欣窮海歸。倦跡養疲茶。枯坐臨風碕。遺榮澹自足。繕性得所依。天空淨無翳。何假華燭輝。徒懷燕雀安。焉恤龍蛇飢。還就蕭齋臥。惓然忘世機。

擬豔歌

湖上女兒彈箏篴。湖中蓮瓣彫紅秋。聞歡昨夜不可渡。風吹白浪更迴舟。垂楊跪地青可憐。不見樓臺只見烟。明月纖纖兩頭缺。今夜知照阿誰邊。

效孟東野

抽思日復夕。夕露稍見侵。彼美千里道。碧樹杳深沈。芳樹斷行迹。鳴禽多離音。禽樹皆相似。中有他鄉心。所思在何許。乃在大海南。青鏡關不治。晦明亮難任。晦明應共之。姿形隔予襟。誓欲往相從。道路苦崎嶇。修身各努力。何用遺華簪。

又

海國正佳節，炎天誰和之。故知在何許，新知尙然疑。離離蒲與艾，青青插門楣。出門聽吳語，飲水乞吳兒。吳兒解我心，蕩槳從所之。所之多歧路，延緣葦間移。翠女雅頭幘，城南張水壘。凝妝照靚水，舞袖迴芳卮。吳儂好眉嫵，未若遠山奇。故山暉且麗，脈脈夢中思。佳人勿浪語，久與故山期。

又

駕言登城望，別離如昨日。樹木相虧蔽，有來不能疾。卷彼衾與裯，桃笙安弱質。風雨有時寒，念之復相恤。君亮爲磐石，艱難勿浪出。妾如水中蒲，翻翻念靈匹。循除復下降，惻愴不可述。芳草生玉階，蛛絲塵瑤瑟。猶傷妾人意，贈行徒密密。密密亦何爲，寒谷待鳴律。

書寶山蔣劍人集後

東海禿翁喜言事，以席裹尸立無地。夜深不羞蛇作龍，大冶躍出蒼精銅。鑄爲蕃劍氣騰上，吳鴻扈稽飛著胸。猶聞少時挾策游，曾干撫部侯官公。蔣少爲僧，復去還俗，粵東燒烟案起，營上營干謁侯村林公言兵事。公來一尉東南屯，黔夫羅祭夷無人。公去魚羊食人肉，趙蔥代將成數仞。公生公死係安危，劍也東求蒼海哭。哭公星實枕榔林，爲虺勿腊何毒淫。武昌魚爛石頭踞，磨牙變竄戈鋌森。劍也蒲伏瘴海陰，胡不與彼木石同陽瘡。猶爲周舍日諤諤，強聒大府涕橫襟。劍也削迹傷其心，江上騶虞旛。天回一甲子，月支好頭顱。何時漆爲器，劍也張目未快意。一蛇四蛇異位寘，海風吹墮幽州雲。光氣夜燭雲間文，黃鷄白酒徑醇汝。劍也地下何當聞。蔣君自稱江東老劍。

聽同年生錢蔚也彈天問之操

動搖海碧蕩微月。神女踢波鍊金骨。飄然自著六銖衣。升降長烟奏大闕。夜分潭洞絕行人。呵壁荒唐事豈真。問君海上濤何氣。併入朱絲一損神。

靈均千年子厚去。無病呻吟意何遽。森森老竹古牆下。槭槭風梢作人語。漢家郊祀遲君歌。一變騷辨陳猗那。天龍人鬼紛來下。九扇天關蒸太和。

鄧完白山人石交圖

被衣友齧缺。老聃師常樅。謂虛已遊世。行莫貴乎中。晚得梅與鄧。谷音亮難雙。行合禽向侶。執追冰斯蹤。兩作湛虛明。兼山閣謙沖。名美義相貫。字孳文適通。鄧字石如。梅字石居。二石相與爲友。迹往事如昨。傷時三疊訢。瑤碧互

璀璨。礪礪資礪礪。相望百年內。有孚光始終。既秋霜露積。疏峰抗高閣。一尺生綃春。千言懸解索。仙經驗胎化。峭蒨樹石錯。何以永今朝。空濛媚淖約。御風羣埃息。相與翔寥廓。道真栖漠滓。辛宰游廣莫。同明照終朝。念哉期盍各。

登西林寺塔在貴縣

虛牝生崑崙。淞南表孤尊。理因象教曩。制以宰波新。清秋獨行游。飛閣麗郊園。歷棧旣茗蔕。援階復嶙峋。陰樞或斗上。陽榭亦卻循。枝撐洞轆轤。蹊蹻絕厓垠。近延夕月闌。遠納朝日暉。邱夷淵遂實。川涸谷多堙。宿雲下方落。孤聳削昆崙。每每佳麗地。嘈嘈清吹塵。晚稻平野秀。早霞石梁屯。歲稔信可喜。俗儉易稱仁。

道夷履不渝。情蹇遇乃辛。嗇神誠有術。儒效豈華身。

信美名都會。日寒華亭景。羽人來介邱。白后淘渌井。感往事如昨。度來思多咎。衛生櫻世羅。貢高昧道綆。龍悔義所郵。魚貫慮罷聘。瓠甕華丹朱。草樹濯莢穎。高明媒衆指。剛強折前猛。小人婞以乘。君子危自省。秦巡羸政覆。吳侈闔閭泯。武城非遺基。吳王闔閭作南武城於此。以伺越鋒。馳道甯風軫。在婁西北。賈山至言。秦皇馳道。遍天下。南極吳楚。此其一矣。河山忽已改。利宇代空永。何如謝糾纏。冷然返虛靜。

陸士衡故宅

今爲寺。在谷陽門內。

信宿遵枉渚。質明期所適。趨新志逾營。適異欣屢獲。言尋婁侯封。遜抗煒在昔。靈根茁華穎。二陸更仕籍。焉知華亭唳。遑念河橋客。舊山沿曩名。新池荒故宅。枯條檉株枸。或云手植迹。門基爲道場。逝者無遺局。居人昧其始。朱義幾由白。含歡易多舒。寓戚難可憐。五漿雖見饋。高秋畏奔迫。

發雲間晚泊宕口

出郭自茲遙。景物迷所在。方舟揚增波。陽景簸明晦。陂陀紆復直。村墟雜蔥蒨。歸潮嘯天倪。驚浪張地肺。東去觀滄海。百靈走其內。鱗鬣爲風雨。二儀相嬾代。太易習凝合。孤舟此茫昧。

訪虛谷上人不值

臧穀失所牧。由來轍仍同。儒亡彼藏蠹。何以見真風。鑒虛行則實。心亨遇轉窮。道人繕性熟。寒栖一畦菘。目牛冥全象。食豨並匪躬。微明在獨智。開俗祛羣蒙。願聞無生義。亦云不離宗。

臥疴耽幽獨。眎聽仍廣豫。元關闔幽鍵。朗景扃懸象。西北出天駟。東南采英蕩。伐材何用掣。紮足安可放。白露洗孤清。金天颯精爽。形移始藏機。聲動每后響。念念脩身切。聲形畏濁枉。內觀返地文。外游測天壤。一驅六鑿去。根器吾亦儻。

此庵何年築。一粟城西隅。懸知寺前木。霜衣欲脫無。紆曲循微徑。雀鼠厭空廚。卽事如己遠。神睎情不疏。廣陳綴道論。遐鏡倘世模。寒潭雲光淨。高齋秋氣虛。來兌相慕悅。紆豫積羈孤。何當一迴駕。子亦亦華居。游南園獨酌菊花下至暮始歸精舍

靈境出意匠。漸臺似神構。步履適然來。把此深澤秀。花葉何娟覲。金精動高宿。幽深沍夕露。煒燁闔空晝。歲晏將期樂。餐彼元氣壽。瘖噤爲樹石。支離絕隼詬。向來園中人。經新復爲舊。命罇壺已空。銜情自稱侑。日入遄塗反。勞生苦多謬。雲月相陵蝕。天地終高厚。竭來從元謀。精思燁在疚。

南匯沈村有少男少女遇兵相殉以死者村之父老來求詩

海水橫飛傷往昔。雲閒佚事近知聞。聖周雲護中殤翬。磐郢霜封少女墳。烏憶頻伽真共命。香分迷迭替交熏。千年黃土燒成篆。重次廬江小吏文。

吳郡王節母家戒題後

昔在魯敬姜。作善貴民勞。東陽勗令史。暴名義所逃。晚操金管書。高節晞蹈景。復得名族嬪。遺言識要領。閭門何峨峨。爽塏居屢徙。種松當門前。洵井在門裏。井寒石齒齒。用汲仁其鄰。松已如兒長。柯葉無冬春。

含光辟世詎。敕兒崇令名。令名良不脛。鄉貢垂賢聲。善言資齋心。善藥資苦口。孟進前修勞。墨發來葉守。褻旌得璽書。聞者鏡禮宗。銘題魏詞竭。煌煌紫泥重。

送高伯平先生游淮上

君子出閩海。栖栖甘旅人。暫得立門前。未敢闕椎輪。去年僑精舍。枉訪機湖濱。不呼結驥趁。乃獲負劍親。木脫山石赭。藻涸游儵馴。登攢上危閣。病欬風雷呻。稍定坐磐拆。罷枝解衣巾。法言間諧笑。左顧敕煎菹。酒半孤山嶼。薄烟起荒榛。時流共排娼。欲以俗妨真。喘如竹筒吹。狗曲相斷斷。先生一笑寔。正容坐消鬪。虬撼久乃卻。羶附漸歸仁。捷雲朝觀化。撥火夜燃薪。飭我流與略。檄我簪與簪。素抱非近武。衣被必先民。龜山倘可伐。禮樂眎焉新。不察邱山大。焉知邱山尊。日月未云幾。索居稽與秦。扁舟指淮東。老作蘭陵荀。黃落秋已晚。野風吹碧潯。暫爲汗漫游。久厭諸侯賓。東城席未暖。反厓戀彌勤。迴帆待德論。期以桐芭春。讀袁康沙船歌以贈之

少府鍊丹沙。上林殫白鹿。列州歲儉多流亡。平準開場利源蹙。互市雖云便。大東斂杼柚。苛稅等牛毛。疲氓瘠生肉。張旗千賈胡。伐木造舳舻。篙工柁師臥江沙。海禁久弛吞聲哭。再拜爰生詩。吾輩飽飯徒錄錄。以下述原作吳淞江碧打冰開。吳淞江白春潮來。長年三老看風色。欲語不語先歎息。自言生長崇明沙。狎海如陸船爲家。水程記別茶山樹。萬里海天指鍼路。落飄遠見之罍島。移碇又過牛莊道。一朝歡喜返重洋。山海之利歸壓裝。歸來分賽妻帑喜。打鼓迎神謹利市。南北風濤秋復春。海舶何年來火輪。青銅舳艫銜。

尾起烟突如山日千里。從此沙船生事微。篙工零落各東西。沙船一半沙中臥。橋折篷穿船腹破。去年斥棄渡鹽田。略邀火伴來修船。漕運提將官裏去。官程又數天津路。原作止此。稍刪潤。君爲沙船行。語我神先驚。近聞治官造大艫。射利欲與天驕爭。海縣飢民面如鵠。春種家家賣黃犢。

偶述

海國衣文蛇。儒生戴章父。所之既殊方。信陋非吾土。朔風吹霰雪。霏霏集檐宇。出門何所適。摧積困羈羽。雖乏歲寒姿。豈無不龜具。危根豐其枝。浮榮多內懼。聲聲抱微明。期以十駕取。

末學辯所生。溺聞一何晝。於已排前規。伐異張矛戟。六籍恣鈇析。百氏皆擯斥。論甘乃忌辛。誣朱忽成碧。大道非私器。纂敎啓衆策。何況文奸言。削趾求履迹。至人巢昆侖。庶來慰昕夕。

題同縣王丈

永錫

桐江舊隱圖

留滯雲閒得遇君。因依索句在臨分。前生食肉頭陀拙。休覩羊家素練羣。少時曾作樓中客。插架牙籤萬卷齊。慘綠花香非往日。讀書尙未識撐犁。爲記清淡勝集時。江南張北夾清池。謂江退谷張桐龔兩丈。樓前少畫紅薇榭。已漫諸公壁上詩。滬城那有三山塔。沙岸難如九里洲。洲上春來花似海。客中辛苦憶前游。老屋前榮束笥書。被兵無復一編餘。猶應手買頻籬校。莫但支床飽白魚。

鹿溪張節母古井盟心圖

井已無闌石。井桐花幾開。此心如槁木。不待築清臺。

滬上竹枝詞

沈碑迴向赤烏年。移利祥符事偶然。善眩軒人何逼處。不知平陸幾爲淵。
吳赤烏碑。舊在宋祥符初。所建靜安寺中。嘉定末。隨寺沒入江水。

權吏樓頭試一臨。樓船虧蔽列如林。何當剋取石魚脇。

婁之千山。有泉一泓。石如魚。掬水可治目疾。

洗眼明于萬里心。

城上風雲蕩夕曛。築邪長憶故將軍。春來碧草痕如舊。牧放胡奴羣一羣。
瘴海水紋何澹澹。蜃窗螺屋倚嬋娟。歡似茶山望不見。妾如小海心洄漩。
何年通市漏卮初。舉國商疲敵有餘。火布晶柁皆貴直。竹筇蒟醬總難如。
估胡遠自條支至。羊胛頻聞熟幾迴。射利圍場挾輶走。紅絲罕地駕龍媒。

漸西村人初集

詩三

次韻辭糧儲丈將之白門留別 己巳

挂席名山惜別時。華陽真逸老爲師。栖霞寺畔月初上。竹格航頭雲自怡。問字侯芭從載酒。監門關尹乞題詩。扁舟來往經吳會。前路青山范蠡祠。物外真成汗漫游。已除綺語罷冥搜。久辭符竹還初服。尙念農祥考異郵。寂寂辛亭惟短榻。搏搏大地有虛舟。習之魏和河陽句。高爵於今未可求。

題祭酒吳梅村先生趺坐小像

人言堯幽囚。或言舜野死。目斷蒼梧淚不止。先生頭白髮垂耳。遺骨千年蛻於此。以上雜用先生本集句。寂寂團蒲坐。風颭時一鳴。檐花晚更落。徑竹剗頻生。羅圍新帶瘦。蓮緝故衣輕。把卷還捐卻。齋心難自榮。依然沈家令。愁絕庾蘭成。無多身似芭蕉實。證取同時藥地僧。先生遺令。以僧伽梨服殮。圖中已如此。殆平居幽憂之日。早決之。猶自題眞石之意也。

壽績溪胡荻洲六十初度

其族子培系。同客杭州書局。屬作。

道轍庸行晦。斯人得其真。華繁衆所競。松桂亦餘春。黟歙萬山中。鄉俗如周殷。浮妍旣刊落。喬柯緬輪囷。秦州澗清冑。講學爲世甄。孫枝見令裔。遐哉几邁民。一冠垂卅年。隻鷄奉偏親。豈惟君獨善。村落共敦仁。

藏丹春山表。積玉辛園裏。上堂問起居。鄰比每色喜。昨占農丈人。秉耒歡茲始。雞桴與豚欄。一一具甘旨。方修冀缺耨。潛感臼季使。祭器及燕器。欄庭次第起。既念承宗祏。方思睦支子。吹花浮巨觴。復丁期久眎。褐衣懷十城。山梁斑一雉。如聞董生行。嗟哉人所軌。

古詩 庚午

黃鵠銜竹實。飛來太山側。植之壽命長。生理孤且直。日月起牽牛。周行將復始。行人日向南。漫漫三千里。朝發能幾里。暮來風又起。妾獨懷隆思。沉綿滯難理。望舒離金虎。元雲起重霧。夷塗非昨軌。行潦一何深。愁霖乍開霽。日出正當心。但照君行處。墜懼難重尋。何以相存問。遺之青瑤琴。

其二

庭中有奇木。終歲常端正。長夏變明晦。積霏蔽光景。望遠心已踰。表微君自省。悵素雖未達。豈隔影與形。年命如金石。仰恃北辰星。

磊磊海中石

浮浮天上星。磊磊海中石。精爽本交通。委實窮島嶼。星胡實而爲石。感神光之斐斐。汝不逢申徒狄之嫉世。無人哀而湛兮將安歸。

游焦山

紛紛牂羶灰已寒。焦公去今復幾世。歸然一邱青瑤林。縹渺浮空碧天際。大江西來自楚蜀。萬里輻瀉狼

山東奔流一曲復一直。到此粗沙悍石相磨礪。至今山根齧江水。石壁返照蛟涎紅。試登高處足垂外。似與波濤爭長雄。豈知山性本來定。中有積氣非天功。海童負舟傍新步。委迤拾級青蓮宮。僧持竹杖導我入。微徑詰屈蜂房通。黝然古鼎皮菌閣。不知採自何山銅。華陽子逐元鶴去。尙留斷碣言鴈鴻。松風冷冷六九字。天監井闌差許同。筆勢甯儔八分頤。銘詞定出三層宮。人間樵隱何分別。且學攝生方兩瞳。

望攝山

林衣禿遠岫。何處有樵人。如見明承烈。蕭疎笋籊山。談經敷廣坐。隱藪閉清塵。日暮野煙合。遙看翠鑠闔。爰生錄錄少奇節。乾笑依人似馬曹。谷神行將師老嗇。狀體久矣嗤韓豪。朝入淮南山。飲公玉色醪。丈人醺醺有真意。年甫五十辭旌旄。甯餐道士煮白石。不與小兒舖濁糟。超然脫去世議外。坐畏蒼矢煎蘭膏。

十月二十二日。自復興集返北譙。卽送薛夫子往秣陵。兼問訊戴子高秀才。出山同騎兩款段。歷險不駢持轡牢。西望芍陂東尉氏。涂唐舊戍夷爲皋。拔山之力困於此。東城摺拉爲劉薶。平原燒枯出境塢。古木鬣短垂松毛。長途野飯不忍別。舉手欲贈無錦條。北譙茅茨眼中見。野老爭席廚童整晨餐。過午吟至卯。門前落葉埋牛尻。少撓浮榮作計誤。壯悔難學徒噴嘈。淺耕時虞鹵莽報。碎義復戒支離逃。荆陰德陽三五運。出律入禮三千條。越鷄不足以語化。梧鼠腹儉何由鑿。欲從夫子問涂轍。故技媿未捐檀槽。曾經弟子屢常滿。懸解成釋客與勞。戴君名理日疏鑿。如以清耐澆煩熬。幾時相就決滯義。羣碎不數曹王髦。危亭欲訪割青古。傑閣每歧飛霞高。裹糧衝雪渡江去。雋辨一發新劖刀。

吳中別胡州倅丈

江海頻年賦遠游。吳趨歲晚滯羊裘。喜從季偉分春餅。未向陶奴索米舟。里閭曾同村酒熟。支離無賴箇書羞。何時畫諾如滂俊。一洗人間骯髒愁。紫溪嚴瀨接叢祠。秋社春祈入夢思。但使土風深且厚。何妨梧几靜忘飢。於今石室無仙侶。且復皋橋作吏師。浩蕩無端異鄉別。夜牕談似結鄰時。

除夕常州舟次遇雪

旅泊臨嶺岸。崢嶸逼歲華。銀花妝雜樹。冰絕閣浮槎。漁火村村醺。楓林驛驛賒。薄醪不成醉。應有夢還家。

望嶽 辛未

何年湧地出龍從。散作浮青數點峯。一氣空濛走溟渤。雙丸隱見宿長松。誰探玉檢千盤頂。試覩金仙九節筇。雲欲出溪還隱去。紫煙待叩灌壇蹤。

記明堂物名詩

太山明堂。惟見孟子。不見他經。漢郊祀志。太山東北趾。古時有明堂處。此孟子所說。在齊宣轅境之明堂也。地理志云。明堂在奉高縣西南四里。此漢武所立之太平山下明堂也。明堂之制。說者多異。友人屬爲疏之。不足以詩論也。

恭承聖人出調燭。四時和太乙下紫宮。出入日月離四正。及四維。還從于中央。介邱靈翕純。有事彼方明。託始于炎帝。炎帝秉赤精。奠民既有居。明堂始經營。上員明外景。下方幽內光。日月入構櫨。風雨在其旁。軒轅含樞紐。合惠在厚土。會朝于合宮。洞燭無斲字。英英茅三脊。璇原在其側。日中而不甞。含明氣當食。

增臺爲重雲。命之曰昆侖。昆侖有木禾。金鼎采其真。唐姚爲五府。玉衡考中星。青赤與黑白。土絡建惠刑。爰始爲五室。倉龍夾熬樞。白虎爲遊樹。朱鳥味其隅。辛龜頸縮殼。宋窟羅丰膏。赤白兼黝聖。四達而八窗。大錄于總期。六宗及冬春。東巡萬玉至。燔柴岱是先。妣氏當金惠。世室載冬官。冬官古水正。司空固世官。鸞輿卑法地。織施舞溢方。黑統用元牡。坐法布五行。圖水法左旋。太室象紫垣。羅絡于中央。出入候天門。正南爲明堂。煜爚主太微。浮恩綴露網。絳樹交珠璣。西出於總章。演漾宅五潢。流星如枉矢。淨洗爲金祥。迤北會辛堂。複道當營室。負陰以向明。主術在褒一。俶東爲青陽。天市首憲同。木正鋪蒼令。肇睽始岱宗。旋居于法宮。神明忽若遺。宅根于后土。媼神兆蕃釐。帝乙秉水運。重屋實政典。息慎通中國。文物由商彝。重檐垂四阿。質家制亦尊。陰羽瞰王廷。九譯貢殷宗。姬氏藥木惠。明堂羅七始。上窮緯度愆。下飭雉門理。元封二年秋。帝心怵登封。胡爲公玉帶。稱名昧其庸。聖世在命祀。執要擊道樞。明堂爲大法。馮翼奠廟謨。

靈祐寺藏經歌簡楊守敬

時入都應春官試

西方聖人詠於詩。豈惟列子文堪摩。初無文字性偏知。後有文字相則那。經星走藏緯星實。流入震旦平無頗。北方譯義重安什。理解融釋非娵娶。天親龍樹亦著論。摧滅外道偕提婆。宗門止一花五葉。後來末法翻湮譌。衰於梧鳴波旬出。以妄爲道真爲魔。迦維託生母淨妙。羅睺衍法妻輸陀。似聞仁孝出至性。勿外倫物求陀羅。黃梅結庵便將母。得法還度偏親幡。精誠所至格金石。豈假外護張毗沙。雲栖頗有廓清

力淨業所得存虛和。昔年學道東海上。興化中允刊白窠。續游焦山大風作。不關全藏心蹉跎。元關難扳俗緣重。安得靜翮巢安柯。北來兀兀抗塵土。待詔金馬隨奔波。宅緣詫見萬貝葉。目迷意正涕滂沱。塵昏皮閣景罕曜。棗木鏤畫誰重摹。赤文玉簡闕潭洞。石梁驚嶺捫纖蘿。比屋楊生啖白粥。腹中醺醺羅繡螺。嗟卑處賤無乃病。會見華雨施威儀。大聖絕糧宋樹伐。釋迦乞食窮桑過。詩成脈脈不相見。欲語先嚙畏人訶。

渡齊河

曉從齊河望太山。獨立亂石杉松閒。夕行入山不見麓。又疑身在天門關。管夷吾死齊無士。無復雄才塞八流。稷下瓊裾陰大澤。人間燕雀暮啁啾。木公賜我脯紅虬。入水猶能掉汝頭。行店昨宵山雨猛。朝來竹箭看河流。

小車行滁和間大雨驟至是夕宿西澗用去年北譙詩韻作一首

圍山行炙意未快。此意孰與高敖曹。徒御租車溼兩簷。擔夫爾汝誰能豪。費犇董允爭得失。蜀事終敗遺橋。未須小節論態度。謀國何故臺營糟。蜀費犇董允。誓會弔許司。徒。共載車。微雨霏衣。允衣又散惡。慙沮。允伏地流汗。遽起從他道還。律行禮正。俯仰有光。允父和聞之以是贊犇而劣允。後允爲尚書令。黃皓憚允嚴直。終其世不敢爲非。及犇爲政。任用陳祗。祗暗相爲表裏。蜀祚以覆。後犇卒以醉酒。爲魏降人所殺。由是觀之。是允不必不贊於犇也。底窪鞅窄被以羣。似跨丁櫟頭垂旄。忽然猛雨四注野。波濤動地流脂膏。二分垂足畏鼓仄。石古路滑焉能牢。繫紆故饒雙堠出。前山嶮過開平皋。落衣下覆龍骨臥。兵後荒畛連年蓀。草樹青紅多瓊

細怒苗地上生豪毛。奔崖隨風欲東去。有如快鶻辭枯籬。雨師社鬼各稱賀。獨有魃女翻嗟警。茸茸夕露深沒脛。激激溪水寒侵尻。笋根稚子已走避。松上蒼犬無藏逃。微閒夏侯倚破柱。手把經卷承罍槽。燕槐略睹水火戰。莊子。水中有火。乃熱。大槐。言雷火著樹。莊生之論非嚙嘈。空枝右擎復左攬。爪角欲折蒼枯條。蜺能睽陽聳楚阻。風雨盪決壓秦饗。北譙南豫辨僑治。鈇稭載籍何嫌勞。昔稱江外歷陽北。秦堅魏肅如沸熬。前朝往往列屯戍。鎮西幕府多英髦。時平江水澹平澹。事去神山高復高。暮投村店沽酒宿。明發一葦杭漁刀。

王東木隱居詩

青田洞旁去。素翻勉流霞。句曲山前路。辛田養玉雅。松如折釵股。石似剖丹沙。相伴長生術。何年棗類瓜。靜坐問答

素抱安澹薄。息軼謝膏脂。本乏干祿情。擯旋自京師。幽居滌山椒。良辰晝茅茨。炎天嚙冰雪。所賴先民辭。師資多達緬。瓊琚贈何之。頗得夙素侶。道荻證良知。披尋雖有限。神解悟不遲。尤戒棄灰篇。申申軼與非。感子懷明惠。靈臺無欲治。濁水索亡珠。俛拾理在斯。遽遽生道心。中夜渙若怡。願保歲寒志。苦口不復疑。神明薄滋味。道真遺華縟。幸得託君子。晶晶瑩心曲。禮經寓微言。時時自檢束。積誠通自然。手足何爲局。凝彼纂華組。何能免流俗。初陽常護薛。微陰慎勿續。二至戒檢身。肌革乃充足。先正勵晚學。取譬於炳燭。矧當裁盛年。光景惜彌篤。大義齊貞貳。單門傷瑩獨。勿弛來日勤。所葆褐中玉。

漸西村人初集

詩四

讀海州邱履平詩 壬申

窮愁凌霞戴望。吾知舊爲述邱生。今異人。我道異人元不異。十圍便腹蘊天真。卷中最愛華山詩。幾欲凌風問紫芝。形勝從來天地險。蘭陵猛士鬢如絲。

題朱竹垞毛河右兩先生合像

圖故爲康熙辛巳鄭芷畦作。其時朱先生年七十四。毛先生年八十。同游西湖。先是嘗辨姚方輿所得舜典廿八字之譌。卽是年也。此汪鋆重撫本。

康熙鴻儒傳者幾。卓犖二萬。季野充宗毛胡。臆明先生朱詞科布衣數已未。蕭山秀水夾江居。頗聞漆書訟今古。桁頭佚字疑有無。冤詞差不敵疏證。經義一卷存圖。初晴八十猶甚口。瓜皮竹杖同浮湖。吳興鄭生阿堵筆。或腴而短頰而臞。公寮從祀究應罷。郊配西向良非誣。儒家得失每參半。誰其剖析鶴與鳬。汪君手摹羅聘畫。野服奇古形模殊。東南之美兩竹箭。元氣壽與湖山俱。

答野航上人

黃山松精舊相識。布伽黎與松同色。道人絕粒謝世緣。遊戲穿厓有神力。兩趺不韞溼漉漉。飢啖玉延夜。

栖椳松石，硯似古斂腳。雷雨橫空灑勁直，一舛幾載天都峯。起看人間地輪蝕，跳身欲入壺公甕。戎帥牽之陽隴種，卅年世變閱浮煙。一日山深蹻飛鞚，強令野鶴入官府。何似家雞放潭洞，賜紫不知勳幾轉。浮青但作笛三弄。張文毅公督軍皖南，嘗招致之。長老不應，俄仍入黃山中。茅山石乳如酪漣，爾不歸尋雲密縫。水如碧月度纖蘿，山似晴虹蟠畫棟。入山恨不攀飛仙，坐覺身軀煙火重。須信流泉能洞石，漸看積水遲凝凍。不持木榻膝曾穿，浪走叅方要無用。晚歸竹西作畫師，無復前塵擾清夢。綠楊城郭結清娛，遊戲蕨淨供盧胡。清修但喫肉邊菜，丹霞還存佛性無。

元太保劉秉忠回文鏡歌

鏡徑圓三寸，鼻紐如鳳一雞二。輪廓篆二十六言，銘曰：光輪承照，明曜通迤，長明恆持，廣照萬所。又曰：學生迴文，壬寅秋，秉忠製，同環讀之。得四言三十二

首，公弟長卿，名秉忠，仕至禮部尚書，似即與公學生者。秉忠子蘭璋，還爲文貞後，鏡今藏南城楊錄家。

湛然居士光芒續六妙門中跌白足，青銅一片出世間。要令魍魎無留躅，土花繡蝕經幾春。商城楊子摩挲熟，交螭鏤鳳驚市人。大似秦燔留漆竹，背銘認作聰書記。拂拭光氣猶肅肅，蒙文不署虎兒年。淨業頗依龍樹宿，奇渥真人兆中統。邢臺令史栖武安，作鏡之年裁廿七。南堂野衲清齋寒，文家据隱實家見。肇生莫考義所安，墨名儒行古未有。天生異人元羽翰，遂持梵服侍帷幄。十事九中著龜彈，勸農養士萬言策。黔首裁獲蘇痍癥，一朝王鷄寤上意。始改金紫加巾冠，藏春一集絕蕭淡。萬物不能靈臺干，當其握鏡登丹墀。大政率仗公發之，桓東灤北論都好。善建不拔之宏基，薛禪皇帝寶人不寶器。臣有六鏡能使四方上下無傾陂，完完青陽鏡。光燭神州東，鳧臾滿飾夷列九。解辦作貢魚皮同，沈沈白藏鏡。雪山西頭勢

面服百城實吏受約束。天戈所臨角不觸。南條一尉夷滇池。北戒一侯戍金微。上推日躔。離禮飛入赤道內。下窮河岷。寒玉萬頃。昆崙崑崙。森森百怪無不有。那識寒芒入人手。賢哉公乎古所無。金簡珠囊洞穿牖。孤虛術秘世莫聞。一鑑今亡贊者后。始知汗馬收心地。以靜成學良非偶。後來傳書出依託。謂玉尺經之類。恠妄翻爲公秕垢。雷蟠電掣六十春。此鏡與公長不朽。漂流十一度壬寅。壬寅之歲。當宋理宗淳祐二年。乃馬真后稱制之第二年也。明年癸卯。耶律文正始卒。錦臚金題記誰某。令君雅有吉金癖。紫電紅光出薜蘿。大峨仙人不云乎。人生安得如汝壽。

午睡

我家山水縣。水檻納環翠。石幢影頻移。磨厓剔奇字。客游迹遂疎。雲昏翠微寺。奔泉入竹流。敲松動遙吹。靈茅白三脊。赤箭秀六穗。時聞有仙迹。俗士未嘗至。山人不歸山。峯峯自相媚。今朝敲畫暝。感夢有奇致。如聞巖籟發。濯我靈府異。蕭蕭雨入窻。空濛盪日氣。

濯足

我生十餘稔。濯足西澗曲。游鱗依空潭。倒景汲山綠。石壁映圓渦。清暉盪寒玉。蟻末好自搓。鶴咽無宛跼。蟻蟻皆能導引養氣。故多壽。董子繁露云。頗睎無垢人。少思兼寡欲。自蹋炎州塵。路滑防墊足。近依老氏戒。畏涉世落濁。竭來洗兩趺。養目戒爲目。云云蜀岡水。疑與龍背觸。一濯身始輕。再濯返初服。

盆山種松

移得東南一小枝。春來金檢玉繩泥。卽看布肘知尋日。便有干霄浴日姿。

萬年根不滿徑尺。三月花猶香一峯。寫入荆關好束絹。孫枝合領小侯封。

清溪謠

銀漢無聲清淺流。爲誰流下古西州。齊梁宮殿餘荒邱。相與諧熙南渡頭。

清溪卅六曲。芳艸年年綠。南岡小姑不得渡。龍峴低窪水沒足。

沈慶之詩所云。徒步還南岡。卽清溪南岸。明紫禁城在焉。上承八功德水。地勢最窪下。

翠翹金鳳皇。山額隱輕黃。洞房臨淥水。含悽羅帶長。

羅帶子。大似清溪水。迴環抱山駛。

清溪迴雪。綴碧流溫。兩頭玉樹。由來共根。

卜居

濯足八功德水。栖心二定林間。問我言歸何許。槁梧小隱藏山。

雲變化

幽雲如龍蹲。營雲如駿奔。并雲如籠車。冀雲如穹閭。兌雲如卷旆。青雲如張蓋。豫雲如剖甕。徐雲如驚輶。雍雲如廣宅。涼雲如匹帛。梁雲如簪炊。益雲如漏卮。荆雲如燔石。揚雲如挂席。東冶南粵間。雲氣如戰塹。濺雲削而卑。靺雲敝而披。交雲積而布。緬雲織而俯。莎車雲似墨。赤谷雲似織。英雲火之末。俄雲潮之初。其氣若幡船。耗我陸海儲。或窪雲若白。或懸雲若肘。或飛雲若蓬。或立雲若墉。或澤雲磅礴。或谷雲淖約。或水雲草衣。或山雲斐斐。或棧雲虎臥。或厂雲蛟睡。或凝雲肩積。或散雲笑哈。我知世閒雲。皇惑如蒼狗。

試問山中雲。招隱深且叻。綻雲以爲衣。屑雲以爲糧。欲知雲變化。東西各浮揚。何如返巖穴。滌滌石根香。六氣所迴薄。食之壽命長。

劉石庵相國有談禪雜咏戲和其八題

觀我詩

生非汝有物常攬。脍似甘蕉只暫榮。知否諸天方便力。堅牢須向止觀生。
雪裏山看紺髮皤。風來面皺亦觀河。如何駐景丹邱訣。偏說收功一漑多。
道人示病卽無衣。日減支離舊帶圍。到底蒙莊能作達。柳生肘喜客將歸。
惟見壺邱似溼灰。月逢納乙亦輪迴。友人莊中白。言易氣最重消息。參同云。節盡相禪與繼體復。生龍消剝入《息復出靈》。觀此似大轉四輪之說。良非無因。三番多事鳩摩
咒。笑荷劉生一鍤來。死

觀物詩

勾漏空留鄧嶽書。花開海叟事全虛。赤松聞說隨風雨。何處晴天一訪渠。
朱浮聞與豫且謀。畏彼千金技見囚。世議隘時神物困。葉公昨又悔輕投。
莊稱觸髅南面樂。釋云苦諦入泥犁。未若易家工見狀。物論難將二氏齊。
羅浮五色衣遺葛。園吏千年籬化周。信有天機精妙處。一畦煙草逍遙游。
一日中含四序周。化機代謝況遷流。有涯試覩无涯法。孰主宰是晞前修。

惟蟲能蟲蟲能天。各有食息隨機緣。觀衆生度無一度。亦不繫著牛頭禪。總贊觀物

觀荷蘭刀劍 吳郎中家夜集作

欲知劍德在劍室。宵練含光故無匹。何年盜取區冶法。碧眼蠻奴販中術。荷蘭島在條支西。工鑄佩刀重鋒七。魚皮裝錯碧晶瑩。鵜膏淬塗氣鬱慄。其來萬里走不脛。切物如泥百無失。況聞火器利無前。礮綫攻城量密率。軍器監亦仿爲之。異狀千名難殫悉。武庫今儲十萬仗。天馬蒲桃方略出。將令尉候謹防秋。坐致車書期混壹。上策莫如先內治。自勝者強明所述。大制何煩一割效。利器須闕三淵疾。鯁生昔宮築邪城。戲遣胡兒吹臂築。城頭月小海水溢。動兩三聲眼淚出。今逢公子廣陵濤。脫贈寶刀佩之吉。宏景造丹名善勝。黃石公以柔爲質。縱橫劍首試一吹。剝落皮膚惟見質。

婺源齊翁年七十餘矣。昨游焦山。用坡公金山詩韻作詩示予。因和之。

黔中齊叟古須臾。小別五平淞滬海。一枝藤倚筋骨健。此老滑稽真自在。焦山黃葉落坡陀。翁欲來時江始波。絕壁庵頭看江色。落日未落餘霞多。廣陵城下臥歸櫂。讀畫品泉期十日。入山僧閱幾茶毘。題壁人亡斷書亦赤尺古。晚猶耆學厭糟魄。獨探焦仙洞深黑。雲泉一掬洗眼明。浩歌更令山鬼驚。邇來漸不爲人識。敗匡猿經無長物。途窮僦屋雨藏山。枉訪湛冥笑我頑。投門漫刺誠可已。好事猶煩致薪水。

又和游金山 汪容夫校寫文匯閣四庫書於精法樓下。今燬。

病鶴一昔遂蘇耽。酒船訪古江之南。金山精法樓久圯。油素十不存二三。坐忘老去尙愛讀。有如抽蛹眼。

吳蠶藏經劫火亦何有。暗疏默寫吾真慚。牽波金碧未云復。但有巨石蹲江潭。中灑乳穴久沙礫。秋老叢
荻霜風酣。承平樓觀予未習。故事題刻翁能談。江山摧遷閱過客。鍾版荒寂餘枯龜。風林水鳥佐梵唱。寒
泉苦茗澆芳甘。詩翁秀句斷山骨。強韻律切心猶貪。憊予瑟縮倦登陟。抗和豈復顏行堪。據梧第與山木
槁。幾日芒屨尋茅庵。

太山秦刻石殘字撫本題後

臣斯銘詞久漫滅。存者上章言幾行。務令金石刻明白。秦法初并六暴強。親軾遠黎陲。後嗣二世詔乃鐫
其陽。銘詞夙具自蜂準。詔書晚出年相望。祥符東封始揭獻。俗書世好嗤隋唐。壇山誰珍楔帖競。無恠寶
氣千春藏。荆公詩。誰珍壇山刻。共賞蘭亭帖。玉函登封已盜發。山石歷劫猶雷破。後來歐趙錄模本。鄒嶧棗刻難雁行。玉
女池邊蝕風雨。碧霞廡左剝偏旁。乾隆之初燔野火。龍劍化去無光鋸。從茲見者祇傳刻。舊揭出以多金
償。比伏生書裁廿九。河內發屋存縑囊。翔鷹勁疾鏃陷壁。外勢駭屬中箕張。年深石泐紙痕駁。聯星綴月
珠垂芒。當時從臣才第一。咸推上蔡嫗且良。雄詞篆刻偏字內。以愚黔首旋陸梁。三公具銜味死請。存字
證取瑯玕詳。秦刻石文凡七。二世元年春之詔書。七處當同詞。疑會稽地僻遠。未及上石。而東南兵起。故無可考。非必原石亡泐。理或然也。證以王十朋秦碑詩。益證予之非臆說。蘭陵一老實師
事。頌體略許參成相。文嚴義簡氣摧廓。欲掃儒墨拘繫障。荀卿書疑出竄改。歲抱綽先生。謂荀子非十子篇。意增損傳會之處。曲學媚世何披昌。背師乃坐燔六籍。破籀有意傳三蒼。斯誠通義倆規矩。下眎艸隸猶秕糠。

霍山一首上致仕少寇吳竹如先生

霍山爲南嶽，秩祀禮有加。右職視公輔，火正平南訛。崇翠積巘嶂，中含四時和。表裏石洞徹，體骨雷霆磨。終年聳寒色，上有長松柯。介邱抗天柱，垠塹排角牙。剗之爲平阜，使可產龍蛇。青春化鷹鷂，白日馴麋麇。天篤生異人，異人復如何。朝誦中庸記，夕肄小學科。柔厚藏剛夫，異人匪云佗。耕山出玉璽，漁水鉤金梭。履祿在坦蕩，箸書闢奇袤。心心視穀種，念念盡汰沙。嫋嫋餐食息，脈脈課萌芽。日日所經秣，步步不離邁。以茲守身術，水火不得瘳。俛視衆小山，矢栝石用礮。媚心沈大氣，刊落冬春華。常懷拯濁世，譬塞決口河。奇力獨爭上，蛟鱉毀其家。精神滿廣宅，性命如匏瓜。出爲牧與伯，美政燕齊多。入爲理與平，荊章刊過差。抗疏補遺闕。

聖惠崇嵯峨，廷舉白獸樽。微忠破槎枒，上言

乾學大。下言暑民嗟。庚辛鑒不遠，脛股燭煩疴。憂時萬感集，諫書敢忘規。引年乞長告，迴首昆明池。杖藜

垂八十，霜鬢久已皤。勤勤良相招，

湘鄉相侯曾公，雅重少寇，招致館鍾山下精舍。

止止鍾山阿。鍾山少靈氣，公至鍾山嘉。我行欲見

之，無介涕滂沱。見則荷飲食，雜術煩攜訶。公老不登朝，蒙壯投幽遐。上書欲自達，又恐羣吠擲。元氣坐不養，苦心浩無涯。逝將從公游，湛湛水增波。江都謁董祠，心師玉英嫖。紛華未戰勝，一念踰新羅。興化事劉子，又隔瘴海窪。微茫搜一髮，障目猶全犧。懷公江路永，思公鍾山儀。良箴冀乞與，長言寓詩歌。

敬觀射陽湖石門畫像拓本

煙雨未全蝕，星移漢畫斑。素王參柱下，元石出人閒。道術存流別，風期契往還。兼看濟州榻，興象悟蕭閑。

浯溪頌

少習元人書側媚。眼中未見麻姑壇。欲除結習靡曼氣。擷取浯溪厓字看。

次韻方子箴都轉重建平山堂落成之作

堂成突兀俯增岡。水北山南總面陽。檣施公應同外護。刼餘山亦老名場。晶鹽槃供形成虎。偃蓋松栽氣似羊。幾點浮青望京口。隔江山色晚蒼蒼。霧霽滿花紅滿湖。堂下碧艸畦蘼蕪。山蟻嘯處日將午。野鶴歸時雲住無。使君擅場出妙墨。釋子傳寫操奇觚。頗聞廬陵有從事。作記將屬眉州蘇。

地震詩

同治十一年六月壬申夜。維揚地震。連延數州。先是五月甲申朔。日有食之。凡疇人推日食。非正陽之月。不爲蓄。故予默也。踰月復有地震之異。則爲蓄矣。時客揚州。作是詩。

同治壬申斗插未。月十九日時初昏。江都李氏行炙食酒。生魄于巽。裁逾辛。微雲積波光地。地。四壁如削。邱昆侖。歡呼劇飲。取喧闐。萬籟夕息。癡龍蹲。忽然墜形。翫甌起自東南屯。始自戶外。屢仄旋于金堂。上蘭房。千氣萬力搖天根。墨翟嘗云。纒開虛。纒開果有禹強存。禹強鳥身而人面。負乎地絡之陽。地絡之陰。靜處天中央。吾聞地德方以靜。禹強何爲掉磬使側殃。吾將筆禹強背。削禹強足。使其最屬潛伏藏。又聞地勢橢圓。以動東南傾。南海之神曰廣利。

國有中祀。王胡不禁。怪物祛貪狼。土石下有精。罔象與積羊。此皆小怪耳。不足搖撼九地藏。少讀李膺州事。大蛇翻身陷土中。天五之精生后土。后土富媼何故使之窪掩隆。春秋五地震。齊楚宋魯邦。咸鳴鼓攻社。五兵斷黃壤。賤陰而貴易。媼神遂豐穰。又聞伏生言。黃眚蚺黃祥。木金水火四者來。沴土一不勝。四爲凶殃。山胡爲而摧圯。石胡爲而雷琅。常羊報惠背陽驪。通之維誰祓彼不詳。后皇地示方澤祀之。泰折瘳帛。燔柴配之。黃后之府。亦有大臣。胡爲戰戰兢兢如冰。冰而臨淵。上不敢眠。天俛不敢畫地。任汝怪物齧地柱。排天根。重黎氏小臣涕泣于庭而言曰。地行賤臣。再捧后皇武且神。皇地之示有災怖。賤臣敢愛血尖身。行將踰九閭。排金門。九閭虎豹當門居。無由有小臣蹤。小臣涕泗走之南邦。小臣力能撞大鐘。考大鼓。無由上徹明堂聰。九地有四岳。九天有三公。三公上居帝左右。拱衛泰壹微宮。臣告三公。公不汝從。賤臣拊心不得通。地下有共工。口狴狴。角蟲蟲。張嘴銜銜。來觸不周之山。山爲崩。天爲折河爲塞。地爲裂。羊馬膾血。腥聞大都。此是咸同年閒事。利器輕示。賊與狐。賤臣力薄不得除其工。欲先去中國之蠹。鳩咬之徒。三蟹獠牙。元氣亡其都。三蟹既埽除。大地復廓。六螭扶屬車。

聖惠深厚如地。高明如天。得一以正。乾之樞。三五旣識職。羣臣望之如天。卽之如地。右五緯。左九區。大開明堂。筭角端。握彗珠。銚赤縣。尊黃圖。又命南正重。火正犂齊。天下之不齊。犂汝司地作右輔。復命司空佐汝。大麓風雨毋暋迷。益以神威。四將軍號曰征鎮。安平西伐材。銅山握銅虎。開府和闔及伊犂。凡西之人崩角稽首。歲在卯酉。輸其羊酒。高者高下者下。蟻歸蟻。夏歸夏。各有人民。不相娶嫁。日三月成時。月三日。

爲窮各各幽名書夜刑誅惠赦。叟顏如童兒。臞不嘔。男無寄緹。女無逃嫁。懷真抱樸。治返于古。日月在上。燭火罷謝。吾聞漢張衡。解造地動精銅儀。三公不覺衡知之。衡心無由明。驅向泰山而望所思。吾聞齊有奸太卜。自言精誠能動之。晏子心知之。鉤在房心閒。地動良由茲。嬰心無由明。臣昔經晏城。欲以特豚春祠之二臣皆良。齊漢之主未知之。又聞歐羅巴人。算天九。算地九。又測五緯之外新五大星。地圖如大球。五星爲球。刑星觸球。傷地且毀。神鬼不得扶。長人不得支撐。天地日冥冥。管仲能知地圖。不能知大地如球形。東有蒼色龍。福惠爲汝名。何不以牙角觸五星。瀝五星宮母使停。南有赤翅鳥。嘴赤翼紺。啄大魚。能食相柳肉。不能味加五星。使西驅中央大黃精。鎮壓嵩高山。下有尼士祠。汝行壘培九地之關。西有於菟。攀毫背負太陰。汝不能使五精質如墜雨。踏于北而歇于南。北有大系龜。七十二鑽無遺謀。爾何不沈五精于大冰海。圖爾於旂爾母羞。鉤陳爲羽林。作衛于王家。胡爲地動不自覺。食于虎賁自委蛇。房爲天駟。精驂服天閑。無震驚。胡爲踏地不自備。囓于王芻曳蹏行。此皆內外官。請皆鞭箠之。臣請助殄除。毋令上天憂。或謀以息壤鎮壓之。毋干上天降罪。尤小臣得告爲國舌喉。二至閉關。帝心簡休。盅夷粹和。神明與侑。道惠精剛。砥平道周。明陰法陽。摧剛爲柔。皇皇地祇。永萬萬古無苗穰。天地中合。四時調和。內平外成。礪山帶河。禹強之神來告。曰。媯皇令鼈負戴四維。鼈性陰賊。通于支祁。意傾東南。爲彼窟池。誕育醜類。以民毒瘳。帝命禹強。以鼈磔死。

此仿岑眉公集二鬼詩
非效盧同徐積也

江鑒 黃山岡

漸西村人初集

詩四

未作黃山游。浮嵐出豪素。三十六峯寒。仙都在何處。天壇石上日月生。照東揚州一州曙。予家天目近未陟。局束山靈爲掌拊。何論夢想文殊臺。蒙叟珠璣空拾取。牧翁宗伯游黃山詩絕佳見初學集奇君工摹漸僧本。畫已娛人況真觀。連峯斷崖非一狀。如牛飲溪虎巖踞。海底雲消出梵宮。林端鐘動知樵路。陰陽晦明多變幻。清景老筆能留住。讀畫君真移我情。勝處茅菴時一遇。昔聞軒皇鍊丹沙。玉女容成挽河車。浮邱公亦助藥錄。遺俗歲久還成家。丹成餘水洒青壁。呼吸靈氣紫烟客。至今石上走虬龍。長出破爪皺鱗松。憑君攝取生綃裏。老服松脂尙壯容。

贈柳賓叔先生與宗

阮公猶及待清光。投老無依屢絕糧。獨耆更生傳古學。還從武子得餘糧。鹿裘帶斷繩堪續。竹節丹成眼忽方。且喜禮堂須寫定。瑕邱待辟石渠郎。

海雲長老以種瓜圖屬題

安吳包倦翁學書弟子僧臘已望七矣

閭浮林開金麗殿。菴居長坐團焦屋。青門瓜地轉眼非。方外猶殘一畦綠。水光山色近禪智。抱甕灌畦清似鶴。竹西亂定金碧毀。圍篾三條一飯足。顏垣柵斷作離門。戲種瓜瓠蔓喬木。梵餘巡圃手攜鋤。露葉煙苗青滿谷。頗素曾聞多種蕉。滑澤肆書勤手熟。道人頗傳執舟說。倦翁筆訣剗心讀。至今艸隸腕濃枯。蟲網絡壁勁還縟。俗流一筆不輕與。吳郡書譜韋幾續。包慎翁自言生平臨書譜合作有正本其一見之邵陽魏書許海雲亦有一本老來野性猶傲岸。夜燃松肪作滿幅。支棚結夏飯青精。倚杖凌秋刷黃獨。瓜花落兮瓜蔓稀。小摘餘供山鳥啄。頗藏石璽

許攜示待拓晴窗手抄目已公茅屋擬經過茶瓜留客期還卜

過四源溝楊石卿大令鐸時監稅於此

楊君老去世緣刪小隱監門吳楚閒策杖狂尋瘞鶴碣隔江坐對栖霞山寢邱三老紅顏壯淮上九師元
髮斑一飯雪天留我共扁舟明日又滁關君光州人久客淮上
尋碑欲補授堂跋石墨千通束笋森欲結茅依漁父住卻愁符下長官侵三冬文史娛還足一榻齷齪語
已深小屋如舟風畏卷看君危坐又清吟

